

# Ipmilbálvalusgirji 2011

Váldoipmilbálvalusa ortnet

Girkooahkkin dohkkehan 2011.

Geavahusas 1. adveantasotnab. rájes 2011 ja adnojuvvo 1. adveantasb. 2012 rájes

## ÁLGGAHUS

Váldoipmilbálvalusa ortnet lea oktan Dábálaš njuolggadusat Váldoipmilbálvalusa ortnegiin

Norgga girku váldoipmilbálvalusa mearrideaddji njuolggadusat.

Ipmilbálvalusbagadusat (kapihtal 6, 7 ja 8) addet dievaslaš čilgehusaid ja láidestemiid.

Bagadusat meannudit deatalaš fáttáid mat gusket olles ipmilbálvalussii: mii ipmilbálvalus lea, ipmilbálvaluslatnja, oppalaš heiveheapmi, liturgga ja veahkkeliturgga bargu, lávlun ja eará musihkkavuogit jna. Ipmilbálvalusa váldoosiid bagadus addá dievaslaš čilgehusaid ja bagadusaid juohke laððasii.

*Váldoipmilbálvalus* mearkkaša searvegotti váldočoagganeapmi sotnabeivviid ja bassebeivviid, nugo bisma lea mearridan.

Sierralágán váldoipmilbálvalusaid struktuvrraid ovdamearkkat leat sii 2.XX.

Allameassu, nu mo čilgejuvvo 1. kolonna osiin, lea buot eará váldoipmilbálvalusaid vuodðu.

Namahusat «álkiduvvon ipmilbálvalus eahkedismállásiiguin» (2), «ipmilbálvalus eahkedismállásiid haga» (3) ja «álkiduvvon ipmilbálvalus eahkedismállásiid haga» (4) čilgejit muhtun ipmilbálvalusaid maid sáhttá doallat báikkálaččat. Dan ipmilbálvalusa hámi mearrida báikkálaččat, ja mearrida makkár namahusa dasa bidjá, ovdamearkka dihtii Bearašmeassu, Nuoraídmeassu dahje Bearašipmilbálvalus.

“Váldoipmilbálvalusa ortnet” (s. 2.5-2.23??) rubrihkat (**ruoksadin čállojuvvon**) addet dárkilet mearrádusaid liturgija laððasiid hárrái. Rubrihkat gusket sihke allamessui ja eará lágán váldoipmilbálvalusaide maid báikkálaš searvegoddi vállje doallat.

Oanádusmearkkaid čilgehusat:

*S* máksá searvegoddi,

*Buo* máksá buohkat (liturga ja searvegoddi)

*L* liturga (ipmilbálvalusdoalli, báhppa dahje eará olmmoš gií bismmas lea ožzon fápmudusa doallat váldoipmilbálvalusa.

*ML* (mielliturga) máksá teakstalohkki, rohkosláidesteaddji, eahkedismálisveahkki, luhkkár, koarra ja earát geat doaimmahit liturgalaš bálvalusaid ja doaimmaid.

Go leat moadde liturgga, *L/ML* dahje *ML/L*, de ovddibus lea vuosttašvuoigatvuhta.

Geahča mo liturgga ja mielliturgga doaimmat čilgejuvvojit dárogiel teavsttas Veiledning om ulike sider ved gudstjenesten (s. 7.23).

Go čállojuvvo *L/ML* dahje *ML/L*, de ovddibus lea vuosttašvuoigatvuhta. Geahča mo liturgga ja mielliturgga doaimmat čilgejuvvojit Bagadus ipmilbálvalusa iešguđet beliin (s. 7.23XX).

Maiddái eará gielaid sáhttá atnit muhtin ipmilbálvaluslaððasiin.

### **lullisámegillii**

Maahta voernges liturgijen tjaalegh saemien gieline (vuartesjh side 2.87), gusnie iemie, åejviegyrhkesjimmie nuhtedh laanten gaajhkine åalmeginie.

### **julevsámegillii**

Guovdásj liturgical tevsta sámegiellaj (gehtja side 2.90) dåhkkiji, goassa le luondulasj, aneduvvat oajvvejubmeldievnastusájn gákka rijka tjoaggulvisájn.

### **kvenagillii**

Sentraalissii liturgian tekstii kainuksi (katto side 2.93) saattaa käyttää, sielä missä oon luonnolista, pääjumalanpalveluksissa kaikissa valtakunnan seurakunnissa.

# váldoipmilbálvalusa ortnet

## I. čoagganeapmi

### 1 | Ráhkkanneapmi

Girkolatnja sáhttá rahppojuvvot muhtin áiggi ovdal ipmilbálvalusa, oažju cahkkehít gintaliid ja čohkkát jaskatvuodás rohkosis.

*Bielločuodjalahttin*

Ovdal maŋimuš golbma čuodjalahttima, sáhttá leat:

*Diedáhusat otná ipmilbálvalusa birra*

Diedáhusat loahpahuvvojt ná:

«Jakkodehkot Ipmila ovddas»

dahje oažju eará sániid dadjat mat muijalit ahte searvegoddi lea ovttas Ipmila muođuid ovddas.

*Oanehis jaskatvuohta*

*Golbma bielločuodjalahttima*

## 2 | Álggahansálbma

Ovdal álggahansálmma sáhttá čuojahuvvot preludium, dábálaččat sálmma ovdašuokjan, sáhttá maid leat koarralávlun.

Prelodium/álggahanmusihka dahje álggahansálmma áigge sáhttá leat prosešuvdna.

Searvegoddi čuožžu go prosešuvdna boahtá.

Jos láibi ja viidni ii leat biddjojuvvon liigebeavdái dahje áltárii ovdal ipmilbálvalusa, de dat guddojuvvojit sisu prosešuvnnas ja biddjojuvvojit liigebeavdái dahje áltára ala.

## 3 | Álggahansánit

Ovdal guokte vuosttaš álggahansáni sáhttá liturga dadjat:

Ráhkis searvegoddi

L | Árbmu lehkos dinguin ja ráfi Ipmilis, Áhčisteamet, ja Hearrás Jesus Kristusis

DAHJE

L | Hearrámet Jesus Kristusa árbmu, Ipmila ráhkisuohhta ja Bassi Vuoinjña servvolašvuohhta lehkos dinguin buohkaiguin.

DAHJE

L | Áhči ja Bártni ja Bassi Vuoinjña nammii.

DAHJE

L | Áhči ja Bártni ja Bassi Vuoinjña nammii:

Min sivdnideaddji, lonisteaddji ja eallindahkki.

Maŋŋil álggahansániid searvegoddi sáhttá vástidit:

M | Amen.

Go váldoiipmilbálvalusas lea gásta, de válljejuvvo juobbágoabbá guovtti vuosttaš álggahansániin.

Álggahansániid lassin liturga sáhttá almmuhit ipmilbálvalusa earenoamáš sisdoalu.

## 4 | Čoaggnanrohkos

Čoaggnanrohkosat , gč s 2.29-2.33XXX

Beaivvi rohkos sáhttá adnot čoaggnanrohkosin, vuosttažettin allabassebeivviid. Gč. lađas 8. Čoaggnanrohkos sáhttá álggahuvvot ná:

ML | Rohkadallot. dahje Giitot ja rohkadallot.

Čoaggnanrohkos loahpahuvvo ná:

ML | Ipmil, mii rohkadallat. dahje Mii rohkadallat Jesusa nammii.

Buo | Amen.

## 5 | Suttudovddastus

Lohkkojuvvo dás dahje ovdal ovddasrohcosa. Gč. lađas 16. Buohkat rohkadallet dan ovttajitnii. Ovdal álggahansáni liturga sáhttá dadjat:

L | Hearrámet Jesus Kristus cealká: Don galggat ráhkistit Hearrá Ipmilat oppa váimmustat ja oppa sielustat ja oppa mielastat. Dát lea stuorimus ja mavssolaččamus báhkkon. Muhto nubbi lea seammá stuoris: Don galggat ráhkistit lagamuččat nugo iežat. Matt 22, 37-39

Suttudovddastus álggahuvvot ná:

L | Gopmirdehkot Ipmila ovdii ja dovddastehkot suttuideamet.

DAHJE

L | Gopmirdehkot Ipmila ovdi ja rohkadallot ándagassii addojumi.

DAHJE

L | Suokkardallot iežamet Ipmila muođuid ovddas ja dovddastehkot suttuideamet.

Liturga sáhttá cealkit lohpádussáni maŋŋil suttudovddastusa.

Sáhttá leat oanehis jaskes boddu ovdal suttudovddastusa dahje ovdal lohpádussáni.

Liturga čipposta suttudovddastusa ja jaskatvuoda áigge.

Searvegoddi maid sáhttá čippustit.

*Suttudovddastusat ja lohpádussánit, gč. s. 2.35-2.38.*

## 6 | Rohkosčuorvvas KYRIE

**Kyrie eleison lávlojuvvo.**

Kyrie eleison.

Kriste eleison.

Kyrie eleison.

DAHJE

Kyrie eleison. Ipmil Áhččámet, árpmit min.

Kriste eleison. Hearrámet Kristus, árpmit min.

Kyrie eleison. Bassi Vuoignja, árpmit min.

dahje eará kyrie, gč. s. 2.39

Kyrie sáhttá viiddiduvvot kyrielitanijan. Gč. s. 2.39.

Kyrie sáhttá guođđit eret muhtin ipmilbálvalusain.

## 7 | Máidnunlávlla GLORIA

Máidnunlávlla gloria lávlojuvvo.

Dán sáhttá guođđit eret fástoáiggi

L/ML | Gudni lehkos Ipmilii allagasar

ML | Gudni lehkos Ipmilii allagasar ja ráfi eatnama alde olbmuide geaid Ipmil árpmiha.

Mii máidnut du, mii rámidit du, mii bálvalit du, mii bajidit du. Amen.

DAHJE

L/ML | Gudni lehkos Ipmilii allagasar

S | ja ráfi eatnama alde olbmuide geaid Ipmil árpmiha.

Mii máidnut du, mii rámidit du, mii bálvalit du,  
mii bajidit du.

ML | Mii máidnut du du stuorra hearvásvođa dihtii, Hearrá Ipmil, almmálaš gonagas, buotveagalaš Áhči.

S | Mii máidnut du, mii rámidit du, mii bálvalit du,  
mii bajidit du.

ML | Hearrá, Ipmila áidnoriegádan Bárdni, Jesus Kristus,

Ipmila Láppis guhte guottát máilmimi suttuid, árpmit min. Don guhte čohkkát Áhči olgeš gieda bealde, gula min rohkosa.

S | Mii máidnut du, mii rámidit du, mii bálvalit du,  
mii bajidit du.

**ML |** Dasgo aivve don leat bassi, aivve don leat Hearrá,  
aivve don leat Buot alimus, Jesus Kristus oktan Bassi vuoinjain Áhči  
hearvásvođas.

**S |** Mii máidnut du, mii rámidit du, mii bálvalit du,  
mii bajidit du. Amen.

Sáhttá atnit eará máidnunlávlagat dahje ovtta dahje eanet máidnunlávlagardumiid. *Gč. s. 2.XX Gásta*  
*váldoipmilbálvalusas lea dábalaš dás.*

## 8 | Beaivví rohkos

Beaivví rohkosa sáhttá guodđit eret, dat sáhttá leat dás, sáhttá leat sártni oktavuođas dahje adnot (earenoamážit allabassebeivviid) čoaggananrohkasin.

Rohkos álggahuvvo ná:

**L |** Rohkadallot mii buohkat.

Rohkos loahpahuvvo ná:

**S |** Amen

## II. sátni

Eará váldoipmilbálvalusain go allameassuin sáhttet leat guokte teakstalohkama, dahje okta lohkan (evangeliuma). Dalle sáhttá 10. lađas Biibballaš sálbma / Sálbma guđđojuvvot. Searvegoddi čuožžu go evangelium lohkkojuvvo ja čohkká eará čálalohkamiid áigge.

## 9 | Vuosttaš teakstalohkan

Boares testamenttas

L/ML | Gullot Hearrá sáni.

ML | Lea čállojuvvon ...

Lohkan loahpahuvvo ná:

ML | Nu čuodjá Hearrá sátni.

Searvegoddi sáhttá vástidit:

Máidnojuvvon lehkos Ipmil.

## 10 | Biibballaš sálbma / Sálbma

Sáhttá lávlut biibballaš sálmma dahje eará sálmma lohkamiid gaskkas, dahje lea jaskes boddu.

## 11 | Nubbi teakstalohkan

Ođđa testamenttas earet evangeliumain

ML | Lea čállojuvvon

Lohkan loahpahuvvo ná:

ML | Nu čuodjá Hearrá sátni.

Searvegoddi sáhttá vástidit:

S | Máidnojuvvon lehkos Ipmil.

## 12 | Evangelium

*Halleluja /Sálbma*

Ovdal ja manjil evangeliumpohkama, sáhttá lávlut hallelujagearduma dahje oanehis sálmma. Searvegoddi čuožju hallelujagearduma áigge.

Sáhttá maiddái leat evangeliumprosešuvdna.

Jos sálbma adnojuvvo, de sáhttá das lávlut yearssa sihke ovdal ja manjil teakstalohkama. Jos olles sálbma lávlojuvvo ovdal teakstalohkama, de sárdnideaddji sáhttá lohkat evangeliuma dahje eará sárdneteavstta sártni oktavuođas.

L/ML | Lea čállojuvvon ... evangeliomis.

Searvegoddi čuožju go evangeliumpohkama lohkkojuvvo.

Lohkan loahpahuvvo ná:

L/ML | Nu čuodjá bassi evangeliomis.

Searvegoddi sáhttá vástidit:

S | Máidnojuvvon lehkos Ipmil.

## 13 | Sárdni

Sárdnideaddji dábálačcat sárdnida sárdneteavstta mielde. Go vuosttaš dahje nubbi lohkanteaksta lea sárdneteakstan, de sáhttá dan lohkat dás.

Muitalusteaksta sáhttá adnot mearriduvvon sárdneteavstta sadjái.

Allabassebeivviid, ja go muđui lea sávahahti, de sárdnideaddji sáhttá iežas sániiguin álggahit ovdal go sárdneteaksta lohkkojuvvo.

Sárdneoasis sáhttá liturggain ovttasráđiid bidjet osiid mat leat áiggeuovdilat, dramatiserejeaddji dahje hástaleaddji, ja mat leat heivehuvvon sártni sisdollui.

Sárdni sáhttá loahpahuvvot máidnumiin:

Gudni lehkos Áhčái ja Bárdnái ja Bassi vuignjii,

guhte lei ja lea ja bissu oktan duohta Ipmilin agálašvuodas agálašvuhtii.

Sártni maŋjá sáhttá leat jaskes boddu, oanehis sálbma dahje meditatiivvalaš musihkka .

## 14 | Oskkudovddastus CREDO

Oskkudovddastus lávlojuvvo dahje celkojuvvo. Jos ipmilbálvalusas lea gásta, de oskkudovddastusa sáhttá guoddít dákko. Dahje sáhttá lávlut oskkudovddastussálmma.

Searvegodi čuožžu go oskkudovddastus lohkojuvvo.

**ML/L** | Dovddastehkot bassi oskomet.

**B** | Mun oskkun Ipmil Áhčái, buotveagalažžii, almmi ja eatnama sivdnideaddjái.

Mun oskkun Jesus Kristusii,

Ipmila áidnoriegádan Bárdnái, min Hearrái,

gean Bassi vuoigŋa sahkanahhtii,

nieida Márjá riegádahtii,

ja guhte givssiduvvui Pontius Pilatusa áigge,  
russiinávlejuvvui, jámii ja hávdáduvvui,

njiejai jábmiid riikii,

bajásčuožžilií jábmiid luhtte goalmmát beaivvi,

manai bajás albmái,

čohkká Ipmila, buotveagalaš Áhči, olgeš giedja bealde,  
boahtá fas doppe dubmet elliid ja jábmiid.

Mun oskkun Bassi vuigŋii,  
bassi oktasaš girku,  
bassi olbmuid searvevuoda,  
suttuid ándagassii addojumi  
oačči bajásčuožžileami  
ja agálaš eallima.

Amen. *Apoastallaš oskkudovddastus.*

**DAHJE**

B | Mii oskut ovtta Ipmilii,  
buotveagalaš Áhčái,  
almmi ja eatnama,  
buot oinnolaččaid ja oaidnemeahttumiid Sivdnideaddjái.  
  
Mii oskut ovtta Hearrái, Jesus Kristusii,  
Ipmila áidnoriegádan Bárdnái,  
gean Áhči lea riegádahttán ovdal buot áiggiid,  
Ipmil Ipmilis, čuovggas čuovgasis,  
duohta Ipmil duohta Ipmilis,  
riegádan, ii ge sivdniduvvon,

geas lea seammá luondu go Áhčis.  
ja gean bokte buot lea šaddan,  
guhte min olbmuid ja min bestojumi dihtii njiejai almmis,  
šattai olmmožin Bassi vuoinjña ja nieidda Márjjá bokte,  
russiinávlejuvvui min ovddas  
Pontius Pilatusa áigge,  
gillái ja hávdáduvvui,  
bajásčuožžilii jábmiid luhtte goalmmát beaivvi Čállagiid mielde  
ja manai bajás albmái,  
čohkká Áhči olgeš gieda bealde,  
boahtá fas hearvásvođas  
dubmet elliid ja jábmiid,  
ja su riikkas ii leat loahppa.

Mii oskut Bassi vuigŋii,  
Hearrái ja eallindahkkái,  
guhte vuolgá Áhčis ja Bártnis,  
guhte ovttas Áhčiin ja Bártniin rohkadallojuvvo ja gudnejahttojuvvo,  
ja guhte lea sárdnon profehtaid bokte.

Mii oskut ovtta, bassi, oktasaš ja apoastallaš girku.

Mii dovddastit ovtta gástta suttuid ándagassii addojupmin,

vuordit jábmiid bajásčuožžileami  
ja boahttevaš málmmi eallima.

Amen. **Nikenalaš oskkudovddastus.**

## 15 | Sálbma

Sálmma sáhttá guođđit jos oskkudovddastus lávlojuvvo.

## III. ovddasrohkos

## 16 | Diedáhusat

Diedáhusaid almmuha dás dahje eará sajes ipmilbálvalusas, dahje diedihuvvojit searvegoddái eará láhkái.

**Suttudovddastus** Dákko dahje čoaggananrohkosa manjjil, 4. lađas. Buohkat rohkadallet dan ovttajitnii.

Ovdal álggahansáni sáhttá liturga dadjat:

**L | Hearrámet Jesus Kristus cealká:** Don galggat ráhkistit Hearrá Ipmilat oppa váimmustat ja oppa sielustat ja oppa mielastat. Dát lea stuorimus ja mágssolaččamus báhkkon. Muhto nubbi lea seammá stuoris: Don galggat ráhkistit lagamuččat nugo iežat. **Matt 22, 37-39**

Suttudovddastus álggahuvvo ná:

L | Gopmirdehkot mii Ipmila ovdii ja dovddastehkot suttuideamet.

DAHJE

L | Gopmirdehkot mii Ipmila ovdii ja rohkadallot ándagassii addojumi.

DAHJE

L | Suokkardehkot mii iežamet Ipmila muođuid ovddas ja dovddastehkot suttuideamet.

Liturga sáhttá cealkit lohpádussáni suttudovddastusa maŋŋil.

Sáhttá leat oanehis jaskes boddu maŋŋil lohpádussáni.

Liturga čippusta suttudovddastusa ja jaskatvuoda áigge.

Searvegoddi sáhttá maid čippustit.

*Suttudovddastusat ja lohpádussánit, gč. s. 2.XX-2YY*

## 17 | Ovddasrohkos girku ja máilmme ovddas

Ovddasrohkosa sáhttá hábmt báikkálaččat, dahje sáhttá atnit gárvves rohkosiid.

Mielliturga jođiha dábálaččat ovddasrohkosa. Eanebut sáhttet lohkat iesguđet rohkosoasi. Juohke rohkosoassi sáhttá loahpahuvvot ná:

Ipmil, mii rohkadallat.

dahje

Dan mii rohkadallat, Ipmil.

Son gii rohkadallá rohkosoasi, dahje ovddasrohkosláidesteaddji, liturga dahje luhkkár.

Báikkálaš ovddasrohkosa sáhttá heivehit dáid fáttáide:

- 1 Eatnamaa olbmot ja álbgogat.
- 2 Min iežamet riika ja álbgogat.
- 3 Máilmiviidosaš girku ja min iežamet riikka girku.
- 4 Min iežamet searvegoddi, min bearrašat ja báiki gos mii ássat.
- 5 Áigeguovdilis áššit.

Áigeguovdilis áššiid ovddas sáhttá rohkadallat dain fáddáosiin maidda dat lunddolaččat gullet (1-4), dahje sierra oasis (5).

*Geahča dárkilet čilgehusa fáddáosiid dáfus, ovdamearkkaid mo báikkálaččat sáhttá hábmet ovddasrohkosiid ja gárves ovddasrohkosiid s 2.XX.*

Ovddasrohkos sáhttá álggahuvvot ná:

**ML/L** | Rohkadallot mii girku ja máilmimi ovddas.

### *Searvegoddevástádus*

Maŋgil juohke rohkosoasi čuovvu searvegoddevástádus, vástádussániid sáhttá jogo lávlut dahje lohkat. *Gč s 2.XX*

*Mii muittašit sin geat leat jápmán ja rohkadallat morašteddjiid ovddas.*

Ovddasrohkos sáhttá loahpahuvvot dainna ahte searvegoddi muittaša daid geat leat jápmán, ja geat leat hávdáduvvon vássán vahkus, dahje dan rájes go searvegoddi manjimuš lei čoahkis.

**ML/L** | Mii čuožžilit ja muittašit min searvegottelahtuid geat leat hávdáduvvon dan rájes go mii ovddit háve čoagganeimmet.

Searvegoddi čuožžila.

Jábmiid namat lohkojuvvojit.

Oanehis jaskes boddu.

**ML/L** | Oahpat min lohkat beivviideamet, vai mii oččošeimmet viissisvuodža váibmoseamet. **Sál 90,12**

**DAHJE**

**ML/L** | Jesus cealká: «Mun lean bajásčuožžileapmi ja eallin; dat guhte osku munnje, oažžu eallit vaikko vel jápmáge.» **Joh 11,25**

Dan manjjil sáhttá lohkatt dán dahje sullasaš rohkosa:

**ML/L** | Váibmoládis Ipmil, jedđe morašteddjiid ja leage sin luhtte boahttevaš áiggis.

Dás sáhttá lávlut searvegoddevástádusa.

## 18 | Searvegotti giittosoaffar

Oaffara váldá dás dahje 19. lađđasa sálmma áiggi. Oaffarušadettiin sáhttá čuojahuvvot heivvolaš čuojanas-dahje lávllamusihkka.

Oaffarčoaggin sáhttá dáhpáhuvvat girkobeajkkas dahje áltára birra.

Oaffarušsan sáhttá loahpahuvvot oanehis rohkosiin, ovdamearkka dihtii ná:

**L** | Agálaš Ipmil, du lea eanan ja buot mii das lea.

Buot maid mii oamastit, gullá dutnje. Du opmodagas addit mii fas dutnje.

**Buo dahje L** | Válddášit vuostái min ja min attáldagaid Jesusa nammii. Amen.

## IV. eahkedismállásat

### 19 | Eahkedismállásiidda ráhkkaneapmi

*Sálhma*

Searvegotti giittosoaffar sáhttá leat dás dahje 18. lađđasis.

Oaffar čoggojuvvo dan botta go sálbma lávlojuvvo.

Giittosoaffar guddojuvvo bošsui dan botta go áltárbeavdi láhčojuvvo.

Láibi ja viidni biddjo áltárii, jos dat ii leat juo ipmilbálvalusa álggus dahkkojuvvon.

Láibi biddjojuvvo láibediskii, ja viidni leikejuvvo gerrii.

Ráhkkanameami sáhttá loahpahit oanehis rohkosiin, omd. rohkos dás bajábealde (18. lađas) dahje dánna rohkosiin:

**L** | Buressivdniduvvon leat don, Ipmil. Du lea eanan ja buot mii das lea. Du opmodagas addit mii fas dutnje. Ovttahtte girkot masa gullet buot álbumogat ja gielat. Hugo gortnit ovttastahttojuvvojit lábin ja viidnemuorjjit viidnin, de ovttastahte min guhtet guimmiideametguin ja Hearrá Jesus Kristusiin.

Buo dahje L | Válldášit vuostái min ja min attáldagaid Jesusa nammii.

## 20 | Giittus ja rohkos

*Dearvvahus* prefašundialoga

**L** lávlu dahje cealká | Hearrá lehkos dinguin

**S** čuožžila ja lávlu | Ja Hearrá lehkos duinna.

**L** | Bajidehket váimmuideattet.

**S** | Mii bajidit váimmuideamet Hearrái.

**L** | Giitot Hearrá Ipmileamet.

**S** | Dat lea árvvolaš ja riekta.

## *Álggahus – máidnun* prefašuvdna

Álggahanmáidnun gullá jogo girkojahkái (gč. s. 2.XX-2.XX) dahje heivehuvvo juohke eahkedismálisrohkosi  
(gč. s. 2.XX-2.XX)

## *Bassi sanctus*

**Buo lávlot** | Bassi, bassi, bassi lea Hearrá Sebaot, oppa eanan lea dievva du  
hearvásvuodas. Hosianna allagasas. Buressivdniduvvon lehkos son guhte boahtá  
Hearrá nammii. Hosianna allagasas.

## *Rihpparohkos Ásahussániiguin verba*

*Eahkedismálisrohkosat ásahussániiguin, gč. s. 2.XX*  
Dajadettiin ásahussániid lokte liturga vuos diskka, de geara.  
Maŋŋil ásahussániid sáhttet liturga ja searvegoddi cealkit:

**L** | Čieŋal lea oskku čiegusvuohta.

**Buo** | Kristus jámii. Kristus bajásčuožžili. Kristus máhccá.

Čuovvovaš cealkká sáhttá lasihuvvot:

Sutnje lehkos gudni ráhkisuodja ovddas mii lea gievrrat go jápmin.

## *Áhččámet*

Lohkkojuvvo dahje lávlojuvvo.

**Buo** | Áhččámet, don guhte leat almmis.

Basuhuvvos du namma.

Bohtos du riika.

Šaddos du dáhttu,

mo almmis nu maiddái eatnama alde.

Atte midjiide odne min beaivválaš láibbi.

Ja atte midjiide min suttuid ándagassii,

nugo mii ge ándagassii addit velggolaččaidasamet.

Ale ge doalvvo min geahčalussii,

muhto beastte min bahás eret.

Dasgo du lea riika ja fápmu ja gudni agálašvuhtii.

Amen.

#### DAHJE

Buo | Áhči min, don guhte leat almmis.

Basuhuvvos du namma.

Bohtos du riika.

Šaddos du dáhttu

mo almmis nu maiddái eatnama alde.

Atte midjiide odne min beaivválaš láibámet.

Ja atte midjiide min suttuideamet ándagassii,

nugo maiddái mii ándagassii addit min velggolaččaidasamet.

Ja ale doalvvo min geahčalusa sisa,

muhto beastte min bahás eret.

Dasgo du lea riika ja fápmu ja gudni agálašvuhtii.

Amen.

## 21 | Eahkedismállásat

*Ráfidearvvahus pax*

L | Ipmila ráfi lehkos dinguin.

S | Ipmila ráfi lehkos duinna.

Jos galgá ollisleappo rágidearvvahus, de gč. *Ipmilbálvalusa váldoosiid láidehusa* s. 8.XX

Dás sáhttá čuovvut:

*Láibbi doadjin*

Go lea láibedoadjin, de liturga sáhttá dadjat:

L | Láibi maid mii doadjalit, addá midjiide oasálašvuodja Kristusa rupmašii.

Viidni maid mii juhkat, addá midjiide oasálašvuodja Kristusa varrii.

*Buhtes Ipmila Láppis agnus dei*

Liturga sáhttá cealkit dás dahje Ipmil Láppis manjjil:

L | Bohtet, dasgo buot lea gárvivistuvvon.

Buo lávlot | Buhtes Ipmila Láppis, guhte guottát máilmimi suttu,

árpmít min badjelii.

Buhtes Ipmila Láppis, guhte guottát málezzi suttu,  
árpmít min badjelii.

Buhtes Ipmila Láppis, guhte guottát málezzi suttu,  
attášit du ráfi.

### *Juogadeapmi*

Juogadanvuogit, gč. *Ipmilbálvalusa váldoosiid láidehusa* s. 8.XX

Juogadeami áiggi sáhttá lávlut ovttá dahje eanet sálmmaid, dahje sáhttá leat koarralávlun dahje eará heivvolá  
musihkka.

Juogadansánit leat ná:

Dát lea Jesusa rumaš.

Dát lea Jesusa varra.

**DAHJE**

Kristusa rumaš, du ovddas addojuvvon.

Kristusa varra, du ovddas golggahuvvon .

Juohkehaš sáhttá vástidit: Amen.

Dat gii juohká láibbiid, sáhttá giehtabidjamiin dahje ruossamearkkain buressivdnidit mánáid ja earáid geat bohtet  
ovdan, ja geat čájehit ahte eai vuostáiváldde láibbi ja viinni.

Buressivdnádussátnin ávžžuhuvvo:

Hearrá buressivdnidivččii ja várjalivččii du.

**DAHJE**

Hearrá buressivdnidivččii du ja várjalivččii du ja láidešii du agálaš eallimii.

**DAHJE**

Hearrá buressvidnidivčii du ja várjalivčii du buot bahás ja láidešii du agálaš eallimii.

Go juogaduvvo oktasaš čippostemiin, de ráfisávaldaga sáhttá cealkit loahpas dahje juohke čipposteami maŋŋil.

Maŋŋil juogadeami:

L | Russiinávlejuvvon ja bajásčuožžilan Jesus Kristus lea dál addán midjiide [munnuide] bassi rupmašis ja varas, man son attii lonástussan buot min [munno] suttuid ovddas.

Buo dahje L | Son nannešii ja bisuhivčii min duohta oskkus agálaš eallimii.

L sáhttá lasihit | Ráfi lehkos dinguin.

## 22 | Eahkedismállása loahpaheapmi

### *Giittosrohkos*

Dás rohkadro okta čuovvovaš giittosrohkosiin, jogo hábmejuvvon báikkálaččat, dahje eará heivvolaš giittosrohkos:

L/ML | Mii giitit du, árbmugas Ipmil, guhte láibbiin ja varain leat dahkan min oasálažžan Jesus Kristusa vuitui go son jámii ja bajásčuožžili.

Buo dahje L/ML | Nanne min Vuoinjainat vai mii sáhttit duođaštit ja bálvalit málezzis.

### **DAHJE**

L/ML | Mii giitit du, almmálaš Áhčámet, du buressivdniduvvon attáldagaid ovddas. Mii rohkadallat ahte don dáid attáldagaiguin várjalivčet min vai mii

bisošeimmet oskkus dutnje, ovttastahtášit min ráhkisuodainat ja nannešit mis agálaš eallima doaivaga, Jesus Kristusa dihtii.

#### DAHJE

L/ML | Oskkáldas Ipmil, gásttas don leat addán midjiide máná vuogatvuoda ja dahkan min iežat riikka árbbolažjan. Mii giitit du dáid mállásiid ovddas, main don leat addán midjiide puttuid ándagassii ja oðasmahttán min oskku du lohpádusaide.

Buo dahje L/ML | Nanne min Vuoinjainat eallit du duoðašteaddjin ja bálvaleaddjin máilmvis.

#### DAHJE

L/ML | Viisodaga Ipmil, mii giitit du du mállásiid čiekñalis čieguvuoda ovddas: Láibi man mii leat doadjalan, bissu oktan láibin. Du Bárdni lea addán heakkas oktasaš máilmvis ja oktasaš olmmošsohkagotti ovddas.

Buo dahje L/ML | Mii rohkadallat: Veahket min gullat dan čuorvasa maid don leat gullan, oaidnit dan headi maid don leat oaidnán, ja ráhkistit min lagamučča nugo iehčamet.

Gearra ja diska gokčojuvvojit gearraliinniin. Gearra, diska, viidnegátnu ja láibelíhti sáhttet fas biddjojuvvot liigbeavdái.

## V. vuolggahus

## 23 | Sálbma

Sálmma sáhttá sirdit 26. laððasii, Postludium/Olggosmannanprosešuvdna.

## 24 | Buressivdnádus

Buressivdnádussánit maid sáhttá atnit eará váldoiþilbálvalusain go allameassus,

Gč. s. 2,XX

Buressivdnádus lohkkojuvvo dahje lávlojuvvo.

Searvegoddi čuožžu buressivdnádusa áigge.

Buressivdnádusa sáhttá vuostáiváldit nu ahte juohkehaš russe iežas.

Buressivdnádusa álggahus sáhttá leat:

*Máidnun* benedicamus

L/ML lávlu | Máidnot Hearrámet.

s | Máidnojuvvon lehkos Ipmil. Halleluja. Halleluja. Halleluja.

DAHJE

*Dearvvahus* salutatio

L cealká dahje lávlu | Hearrá lehkos dinguin.

s | Ja Hearrá lehkos duinna.

DAHJE

L cealká | Vuostáiváldet buressivdnádusa.

*Buressivdnádus*

**L cealká dahje lávlu** | Hearrá buressivdnidivčii du ja várjalivčii du.

Hearrá divttášii muođuidis čuovgat du badjelii ja livčii duinna árbmugas.

Hearrá bajidivčii čalmmiidis du ala ja attášii dutnje ráfi.

**S** | Amen. Amen. Amen.

*Golmma geardde golbmii bielločuodjalahttin*

## 25 | Vuolggahus

Jos searvegoddi báhcá čohkkát postludiuma áigge, de vuolggahussánit sahettet celkojuvvot postludiuma majjil.

**L/ML** | Vulgot ráfis,

**Buo** | Jesus Kristusa nammii.

**DAHJE**

**L/ML** | Vulgot ráfis,

**Buo** | ja bálvalehkot Hearrá iluin.

**DAHJE**

**L/ML** | Mannet ráfis.

**DAHJE**

**L/ML** | Mannet ráfis. Bálvalehket Hearrá iluin.

dahje eará vuolggahussátni mii heive beaivvi iešvuhtii. Lea maiddái vejolaš hábmet sierra vuolggahussániid. *Gč.*

*s. 2,XX*

## 26 | Postludium / Olggosmannanprosešuvdna

Jos lea olggosmannanprosešuvdna, de searvegoddi sáhttá čuovvulit prosešuvnna.

Postludiuma sadjái sáhttá searvegoddi lávlut sálmma olggos váccedettiin.

Manjil ipmilbálvalusa sáhttá girkolatnja leat rabas oanehassii, goas lea vejolaš jaskadit rohkadallat dahje jurddašit.

Diakonalaš bargu vuolggahusa manjil sáhttá čuovvuluvvot čoagganemiin, bassi mállásiiguin buhcciide, eará galledemiin, ovddasrohkosbálvalusain ja eará daguiguin.

((Dákko boahtá tabealla))

Allameassu čuovvu dan struktuvrra mii oidno gurutbeale gurgadasas. Eará struktuvrrat leat ovdamearkkat mo báikkálaččat sáhttá hábmet eará váldoiipmilbálvalusaid go allameassu. 4. ovdamearkkas sáhttá dieđusge maiddái leat Rohkosčuorvvas Kyrie. Dát struktuvra sáhttá maiddái adnot ipmilbálvalusain main leat eahkedismállásat. Dat sáhttá leat vuogas go leat ollu smávit mánát mielde. Dalle sáhttá válljet «Eahkedismálisortnet sierra diliide» (s, 2.XX), ja atnit oaneheamos rohkosmolssaeavttu ovdal ásahussániid.

Dát lađđasat galget leat mielde buot váldoiipmilbálvalusain:

- Sálmmat
- Álggahansánit
- Čoaggananrohkos
- Suttudovddastus

- Teakstalohkan (evangelium)
- Sárdni
- Oskudovddastus
- Ovddasrohkos
- Áhččámet / Áhččimin
- Buressivdnádus (*allameassus adno aronlaš buressivdnádus, eará ipmilbálvalusain sáhttá atnit eará buressivdnádusaid*)

Dábálačcat galget lágiduvvot eahkedismállásat váldoiipmilbálvalusas.

## čoaggananrohkosat

Mielliturga dahje olles searvegodi rohkadallet čoaggananrohkosiid. Go suttudovddastus lea biddjojuvvon čoaggananoassái, mielliturga rohkadallá čoahkkananrohkosa, muhto olles searvegodi rohkadallá suttudovddastusa.

1

Bassi Ipmil, mii leat čoagganan du muođuid ovdii  
šaddat oasálažžan du ráhkisuhtii ja duoh tavuhtii.

Vuolggahivččet midjiide Vuoinjyat  
ja rabastivččet min váimmuid du attáldagaide.

Divttášit sánát ruohtasmuvvat min váimmuide,

vai Kristus eallá min siste, ja mii šaddat oktan du siste  
ja bálvalit du álelassii.

2

Buorre Ipmil, don gii attát heakka buot heakkalaččaide,  
mii máidnut du eatnama čábbodaga dihtii,  
ja buot áššiin main mii dovdat du buorrevuođa.

Dás du muođuid ovddas mii rohkadallat: Atte midjiide guldaleaddji beljiid,  
giitevaš váimmu ja veahkkás giedžaid,  
vai mii beassat gullat du sáni, máidnut du du buorrevuođa dihtii,  
ja sániiguin ja daguiguin duođaštit du stuorra daguid.

3

Hearrá, mun lean boahtán dán du bassi vissui  
vuostáiváldit dan maid don Ipmil Áhčči, mu sivdnideaddji,  
don Hearrá Jesus, mu beasti,  
don bassi Vuoignja, mu jeđđejeaddji eallimis ja jápmimis,  
áiggut munnje addit.

Rabastivččet dál mu váimmu bassi Vuoiŋŋat bokte,  
vai mun moraštvicčen puttuidan dihtii,  
oskkošin du árbmui

ja oktan oppa du álmogiin  
ođasmahttojuvvošin juohke beaivvi  
duohta ja bassi eallimii.

4

Ipmil, mii leat boahtán du bassi vissui  
vuostáiváldit dan maid don áiggut midjiide addit.  
Rabas dál min váimmu,  
vai min osku dutnje ođasmahttojuvvošii.

5

Buohkat sáhttet rohkadallat rohkosa, dahje dat sáhttá leat “geardduhanrohkos”, nu ahte dat gii jodiha rohkosa  
dadjá ovta cealkaga hávil, maid searvegotti geardduha.

Ipmil, don leat gasku min gaskkas.

Don birastahtát min ollásit.

Doala min giedastat.

6

Go dát čoaggnanrohkos sistisdoallá suttudovddastusa, de dat guđđojuvvo muđui ipmilbálvalusas.

Rohkos lávlojuvvo vuorrolávllan liturgga, mielliturgga (luhkkára/-riid) ja searvegotti gaskkas.

L | Oskkáldas Ipmil, don attát midjiide ođđa eallima bassi gásttas.

Mii merkejuvvot ruossamearkkain. +

L/ML | Mii leat du mánát. Oðasmahte odne min oskku ja min ráhkisuodja.

Mielliturga goive čázi golmma geardde gástalihtis.

L | Dego arvedávgi čuvget du lohpádusat, Ipmil – du lihtu mearkan juohke sivdnádusain.

ML | Mii boahtit du lusa giitosiin ja lávlagiin.

S | Mii boahtit du lusa giitosiin ja lávlagiin.

ML | Don leat min doaivu.

S | Don leat min doaivu.

L | Don dovddat min eallima. Ii mihkkege leat čihkkojuvpon.

ML | Mii leat dahkan du dáhtu vuostái, mii rihkkut du báhkkomiid.

S | Mii leat dahkan du dáhtu vuostái, mii rihkkut du báhkkomiid.

ML | Atte Ipmil, ándagassii.

S | Atte Ipmil, ándagassii.

L | Don bajásčuoččáldahttet Jesusa hávddis.

Gásstas mii ge čuoččáldahattojuvvot oðða eallimii suinna.

ML | Dego arvedávgi čuvget du lohpádusat, Ipmil

S | Dego arvedávgi čuvget du lohpádusat, Ipmil

**ML** | – du lihtu mearkan juohke sivdnádusain.

**S** | – du lihtu mearkan juohke sivdnádusain.

7

Dát rohkos heive earenoamážit ipmilbálvalusain gos leat ollu mánát.

Mánnájoavku sáhttá čuožžut searvegotti ovddas ja čájehit mearkkaid. Searvegottelahtut geat háliidit, sáhttet dahkat giehtalihkastagaid mánáiguin searválagaid.

*Bajiduvvon giedat*

**ML/L** | Ráhkis Ipmil, don leat min luhtte.

Cahkket čuovggat min siste.

*Giedat ruossalassii rattis*

**ML/L** | Ráhkis Jesus, don vádjolat minguin.

Divtte min eallit du ráfis.

*Giedat vuostálagaid ratti ovddas, suorbmageažit bajás*

**ML/L** | Ráhkis Ipmil, don oainnát min.

Vuostáiváldde min jurdagiid ja jaskes rohkosiid.

*Giedat geigejuvvon ovddos goapmirat bajás*

**ML/L** | Ráhkis Jesus, don vábddát min giedaid iežat giedaide.

Láide min buori geainnu mielde.

*Mii váldit gihtii dan gii čohkká min bálldas*

**ML/L** | Buorre Bassi Vuoignja, giitu go mii eat leat okto.

Veahket min oaidnit guhtet guimmiideamet ráhkisuodðain.

8

Bassi Ipmil, don gii leat addán midjiide eallima attáldahkan:

Giitu go válldát min vuostái gásstas

ja nannet min eahkedismállásiin.

Láide min sániinat

ja raba min váimmuid du attáldagaide.

9

Modealla báikkálaš hábmejuvvon čoaggnanrohkosii

Muhtin ipmilbálvalusaide sáhttet adnot eará čoaggnanrohkosat go dat mat dás leat. Rohkosiid sáhttá váldit iešguđet báikkiin, dahje sáhttá daid hábmet báikkálačcat.

(Dása galgá tabulator...)

1 Rohkos galgá čuovvut min girku oskku ja dovddastusa, ja das galgá leat liturggaláš ja poehtalaš bissovašvuhta.

2 Rohkosa deataleamos oassi lea govvidit dan ahte mii leat ovttas Ipmila muođuid ovddas, searvivuohtan, ovttaskas olmmožin ja sivdnádusa oassin.

Rohkos galgá čájehit vuordámuša ja ilu go mii deaivvadit Ipmiliin ipmilbálvalusas.

3 Čoaggnanrohkos sáhttá deattuhit iešguđet lágán fáttáid, ovdamearkka dihtii:

- Giitevašvuhta go Ipmil lea gávdnan ja vuostáiváldán min (Luk 15)
- Sotnabeaivi bajásčuožžileami beaivin
- Jesus Kristusa lagašvuhta go mii čoagganit su nammii
- Áibbašeapmi Ipmila vissui
- Ipmila háldui bidjan
- Gástamuittuhus
- Rabasvuhta Sáni duddjomii min eallimis
- Čoagganeapmi Sáni ja sakrameanttaid birra
- Rávkojupmi vuolgimii ja čuovvuleapmái

10

## Čoaggananrohkos maŋŋil lihkuhisvuodđaid ja roasuid

Go lihkuhisvuhta dahje roassu lea dáhpáhuvvan guovllus, riikkas dahje eará sajis málmmis, de lea lunddolaš ahte dat gullo ja oidno váldoiþmilbálvalusa álgaheamis.

Dát berre dakhkojuvvot go lihkuhisvuhta dahje roassu lea dakkár ahte váikkuha olles searvegoddái, dahje ahte oðas dan birra lea beaggán ja searvegoddi danin ádde manin dát namuhuvvo. Go lihkuhisvuhta ja moraš guoská ovttá dahje moatti searvegodelahttu, de lea lunddoleappo namahit dan searvegotti ovddasrohkosis.

Okta dahje eanet heivvoláš biibbalsánit sáhttet adnot čoahkknarohkosa sajis, omd. Sal 130, 1–2; Sal 38, 22–23; Sal 44, 25–27; Sal 10,1; 12b; 14.

Oktanaga biibbalbáïkkiin, dahje dan sadjái, sáhttá rohkadallat heivvoláš rohkosa, báikkálaččat hábmejuvvon dahje vižžojuvvon Morašipmilbálvalusas, Norgga girku rohkosgirjjis dahje eará gálduin. Rohkosin sáhttá maiddái vuogas sálbmavearsa adnot, omd. “Mii geiget guoros giedđaid dal (1.v.) [dahje “Herre, mårte dette skje” (1.v.)].

Rohkosa sáhttá álggahit mottiin sániin likuhisvuoda dahje roasu birra. Jos biibbalsátni adnojuvvo, de sáhttá liturga cealkit:

L | Min iežamet sánit leat geahnuheamit go ipmirmearhttun deaivida. Danin mii ohcat sániid Biibbalis min váidalusaide ja rohkosiidda.

Maŋgil rohkosa sáhttá leat jaskatvuhta mii álggahuvvo ná:

L | Jaskkodehkot jurddašettiin ja rohkadaladettiin.

Dan maŋgil berre ipmilbálvalusa joatkit Kyrie eleisonain dahje heivvolas kyrilitanijain.

## suttudovddastusat ja lohpádussánit

Buohkat lohket suttudovddastusa ovttajitnii.

1

Ipmil, leage muinna árbmugas!

Mun lean suddudan du vuostái ja lean beahttán lagamužžan  
– jurdagiiguin, sániiguin ja daguiguin  
ja dainna mii lea báhcán dagakeahttá.

Atte munnje suttuid ándagassii Jesus Kristusa dihtii.

Sivdnit munnje buhtes váimmu,

ja atte munnje fámu oðða eallimii Bassi Vuoiñjat bokte.

2 (1 oaniduvvon hámis)

Ipmil, leage muinna árbmugas!

Atte munnje suttuid ándagassii Jesus Kristusa dihtii.

Sivdnit munnje buhtes váimmu,

ja atte munnje fámu oðða eallimii bassi Vuoiñjat bokte.

3

Ipmil, don dovddat ja ráhkistat min buohkaid.

Mii leat dahkan du dáhtu vuostái.

Mii leat vajáldahattán du ja dan maid don dáhtut min dahkat.

Mii leat jurddašan iežamet eanet go earáid.

Atte midjiide ándagassii Jesusa dihtii.

4

Ipmil, leage munnje árbmugas ráhkisvuodastat,

Sihko mu rihkkuma stuorra váibmoláđisvuodastat.

Sihko mu suttuvealaggi

ja buhtis mu suttus eret.

Geahča, don illudat duohtavuodas mu siste,

don oahpahat munnje viisodaga siskkimussii.

Ipmil, sivdnit munne buhtes váimmu,  
atte munne oðða ja bissovaš vuoinjña.

5

Bassi Ipmil,  
don leat čájehan midjiide iežat buori dáhtu eallimii.  
Don leat addán midjiide ovta eatnama  
orrunsadjin buot olbmuide.

Mii dovddastit ahte  
min miellaguottut ja min dagut  
vahágahttet du sivdnádusa.

Atte midjiide min suttuid ándagassii.  
Atte midjiide viisodaga ja duostilvuoda  
dahkat du dáhtu mielde.

6

Bassi Ipmil, almmálaš Áhčči,  
geahča árpuin munne, suttolaš olbmu,  
guhte lean rihkkon du vuostái jurdagiiguin, sániiguin ja daguiguin  
ja dovddan bahás anistumi váimmustan.

Jesus Kristusa dihtii,  
leage muinna gierdavaš.

Atte munnje ándagassii buot mu suttuid  
ja atte munnje aivvefal dus ballat ja du ráhkistit.

7

### Suttudovddastus – báikkálaččat heivehuvvon

Muhtin ipmilbálvalusain sáhttet adnojuvvot eará suttudovddastusat go dat mat dás leat mielde. Rohkos sáhttá válđojuvvot iešguđet gálduin, dahje hábmejuvvot báikkálaččat.

1 Suttudovddastus galgá ovdanbuktit min girku oskku ja dovddastusa, ja das galgá leat liturgalaš ja poehtalaš bisteavašvuohta.

2 Suttudovddastus ii berre leat menddo sátnái. Gárvves hábmejuvvon suttudovddastusat sáhttet leat málلن.

3 Suttudovddastus galgá čájehit erohusa Ipmila buori dáhtu ja olbmuid eallima, suttu ja váilevašvuodđaid gaskkas.

4 Suttudovddastus guoská sihke olbmuid oktasaš eallimii ja ovttaskas olbmo eallimii. Goappašagat leat mielde, beroškeahttá suttudovddastusa hámis (*mun* dahje *mii*). Báikkálaččat hábmejuvvon suttudovddastus sáhttá dan dihtii hábmejuvvot sihke mun-hámis ja mii-hámis.

5 Ipmilbálvalusain nugo Sivdnádusa beaivvi dahje ipmilbálvalusain main leat fáddán fástu ja gáhtamuš, sáhttá leat lunddolaš geavahit oktasaččat hábmejuvvon suttudovddastusa. Dalle suttudovddastus sáhttá fátmmastit eambbo go dábálaš ipmilbálvalusain.

# lohpádussánit

Ovta dáin dahje eará lohpádussáni sáhttá dadjat su ttudovddastusa maŋŋil:

L | Ipmila sát ni cealká: Jos mii dovddastit su ttuideamet, de son lea oskkáldas ja vánhurskkis, ja addá midjiide min su ttuid ándagassii ja buhtista min buot ve arrivuodðas. 1 Joh 1,9

L | Nu allat go albmi lea eatnama bajábealde, nu stuoris lea Hearrá árbmu sidjiide geat ballet sus. Nu guhkkin go nuorti lea oarjjis, nu guhkkin son doalaha min su ttuid mis eret. (...nu guhkás son gáidada min su ttuid.) sal 103, 11-12

S/ML | Buorre Ipmil, giitu go geaidnu du lusa álo lea rabas Jesus Kristusis.  
Veahket min oskut du ándagassii addojumi sát nái.

S/ML | Buorre Ipmil, giitu go geaidnu du lusa álo lea rabas Jesus Kristusis.

Veahket min eallit du ándagassii addojumis.

S/ML | Buorre Ipmil, giitu go geaidnu du lusa álo lea rabas Jesus Kristusis.  
Veahket min eallit du árpmus.

## rohkosčuorvasat

# kyrie ja kyrielitaniija

## kyrie eleison

Iešguđet lágán rohkosčuorvastiid ja kyrielávlagiid gávdná dohkkehuvvon sálbmagirjiin, ja maiddái Norgga girku digitála ipmilbálvalusvuorkkás.

### Kyrielitaniija

1

L/ML | Hearrá Jesus, don leat min ráfi.

Buo | Kyrie eleison.

L/ML | Don čohkket dan mii lei biđgejuvvon.

Buo | Kyrie eleison.

L/ML | Don buvttát midjiide ilolaš sága.

Buo | Kyrie eleison.

L/ML | Don attát midjiide puttuid ándagassii addojumi.

Buo | Kriste eleison.

L/ML | Don leat vuositán jápmima.

Buo | Kriste eleison.

L/ML | Don attát midjiide ođđa eallima.

Buo | Kriste eleison.

L/ML | Don guhte čohkkát Áhči olgeš bealde,

**Buo** | Kyrie eleison,

**L/ML** | don máhcat hearvásvođas.

**Buo** | Kyrie eleison.

**L/ML** | Don čohkket oskkolaččaidat Áhči riikii.

**Buo** | Kyrie eleison.

2

## Vuohki mo hábmet kyrielitaniija

Ovttas sáhttá hábmet kyrielitaniija muhtin sierra ipmilbálvalussii. Sáhttá heivet bures ipmilbálvalusaide konfirmašunáiggi, ipmilbálvalusain main nuorat leat mielde ráhkkanemis ja čađaheamis, ja ipmilbálvalusain omd. Sivdnádusa beaivvi, Davvi/lulli-sotnabeaivvi, Ráfi- ja olmmošvuogatvuodasotnabeaivvi, Doarrádaljojuvvon olbmuid sotnabeaivvi, Diakonija sotnabeaivvi ja fástuáiggi sotnabeivviid.

Sáhttá hábmet áigeguovdilis “čuorvasiid” ja válljet kyriegearduma (áinnas golmmałdasgeardun) maid lávlu “čuorvasiid” gaskkas. “Čuorvasat” sáhttet hábmejuvvot oanehis muiatalussan, duođaštussan dahje eará govvideaddji, konkrehtalaš cealkkan sin beales geat váidalit headiset.

“Čuorvasat” sáhttet gullot iešguđet báikkis girkolanjas. Dat sáhttet maiddái dahkkojuvvot drámá, dánssa, govaid ja eará hámis.

## máidnunlávlla gloria

1

Du hearvásvođa ovddas mii,  
o Áhči gopmárdallat,  
ja ráhkisvuodat ovddas mii

du giitit, rohkadallat.  
Du fámuin buot lea sivdnidun,  
du vuollái buot lea biddjojun,  
dus galget buohkat ballat.

O Jesus, Bárdni eahcálaš,  
gii čohkkát Áhči luhtte,  
don Áttán mánáid lonistit,  
min Hearrá, soabaheaddji.  
Du varain ja du jápmimiin  
don čovdet suttu vealggis min  
ja rahpet midje almmi.

Du duoji bokte, Bassi Vuoign',  
Mii gávdnat čuovgas, ilu.  
Don soadis gievran dagat min,  
vai máhittit vuottu vuoitit.  
Don Sáhtán vuostái veahkehat  
ja váibmui oskku sivdnidat  
min Jesus ala. Amen.

teaksta: Nicolaus Decius 1523 *Gloria ja Laudamus* mielde  
nuohhta: 900-l / Valentin Schumann 1539  
sámás: L.J. Hætta & J.A. Friis

2

Mii máidnut du, mii giitit du,  
Sivdnideaddjámet ja Hearrámet.

O Jesus Kristus, don Ipmila Bárdni,  
leage agálaččat buressivdniduvvon!  
Don guddet buot máilmmi suttu ja heahpada,  
árpmít min, Ipmila Láppis,  
Bassivuoijña bokte. Amen.

3

Sálhma «Sivdnidii buot, Ipmileamet», sáhttá leat dánna álgghusain:

L/ML | Lávlot Hearrái, máidnot su

ja rámidehket Hearrá nama.

DAHJE

L/ML | Gudni lehkos Ipmilii allagasas

s | ja ráfi eatnama alde olbmuide geaid Ipmil árpmiha.

4

L/ML | Gudni lehkos Ipmilii allagasas

s | ja ráfi eatnama alde olbmuide geaid Ipmil árpmiha.

Mii máidnut du, mii rámidit du, mii bálvalit du, mii bajidit du.

ML | Máidnojuvvon lehkos Ipmil, sivdnideaddjámet, mii ávuin ja lávlumiin

máidnut du.

s | Mii máidnut du, mii rámidit du, mii bálvalit du, mii bajidit du.

ML | Máidnojuvvon lehkos Jesus, beastámet, min rápmi badjána dutnje.

s | Mii máidnut du, mii rámidit du, mii bálvalit du, mii bajidit du.

**ML** | Máidnojuvvon lehkos Vuoignja, jeđđejeaddjámet, mii ávvudit du daguid dihtii.

**S** | Mii máidnut du, mii rámidit du, mii bálvalit du, mii bajidit du.

5

**L/ML** | Gudni lehkos Ipmilii allagasas

**S** | ja ráfi eatnama alde olbmuide geaid Ipmil árpmiha.

Mii máidnut du, mii rámidit du, mii bálvalit du, mii bajidit du.

**ML** | Don, Ipmil, gii ráđđet beaivváža ja násttiid ja rávkkat oidnosii juohke rássečalmmi eatnamis. Du čalbmi oaidná buot máilmomi headi, ja don leat Áhčči, min Áhčči.

**S** | Mii máidnut du, mii rámidit du, mii bálvalit du, mii bajidit du.

**ML** | Jesus Kristus, don guddet min noadí ja loktejit vealggi mis eret. Min luhtte leat agálaččat bajásčuožžilan, álo don rohkadalat min ovddas Áhčči luhtte.

**S** | Mii máidnut du, mii rámidit du, mii bálvalit du, mii bajidit du.

**ML** | Bassi Vuoignja, don ođasmahtát eatnama ámadaju ja attát buot máilmái heakka. Suttolaččaide don sárdnidat jeđđehusa ja láidet min ruoktot Áhčči lusa, Áhččámet lusa.

s | Mii máidnut du, mii rámidit du, mii bálvalit du, mii bajidit du. Amen.

Eará heivvolaš sálmemat dahje máidnunlávlagat sáhttet adnot – válljejuvvon ipmilbálvalusa fáttá ja/dahje girkojagi áiggi mielde. Lea maid vejolaš atnit ovtaa dahje máŋga máidnunlávllagearduma. Iešguđet gloriaid ja máidnunlávlagiid gávdna dohkkehuvvon sálbmagirjiin, ja maiddái Norgga girku digitála ipmilbálvalusgirjerádjosis.

## ovddasrohkosat

### I. fáddáoasit

#### Ovddasrohkos girku ja máilmomi ovddas – báikkálaččat heivehuvvon

Báikkálaččat hábmejuvvon ovddasrohkos sáhttá ordnejuvvot vuolábealde namahuvvon fáttáid mielde.

Juohke fáddájoavkku vuolde leat ollu čoavddasánit mat leat ávkin go searvegoddi ráhkada rohkosa. Go rohkos hábmejuvvo, de ferte válljet muhtin čoavddasániid, sáhttá maiddái válljet eará áigeguovdilis fáttaid dan dilis mii lea ja dan hámi mielde maid hálida ipmilbálvalusas.

Muhtin čoavddasánit leat mielde mángga fáddáoasis. Dát mearkkaša ahte dat sáhttet geavahuvvot dan ovddasrohkosasis mas orru áigeguovdil ja lunndolaš.

Fáddáosiid ortnet sáhttá rievdaduvvot. Nu maiddái juohke fáddáoasi čoavddasániid ortnet. Dan láhkái sáhttá ovddasrohkos deattuhit dan mii lea earenoamáš addo dán ipmilbálvalusas.

Ovddasrohkos ipmilbálvalusa gittosoaffarii biddjojuvvo dan fáddái mii orru lunndolaš.

## 1 | Eatnama álmogat ja našuvnnat

Olbmot headis: olbmot geaidda leat deaividan likuhisvuodat ja roasut, geafivuohta, soahti ja riiddut ja eará heahti.

Ráfi ja vuoiggalashvuoda rahčamuš.

Olmmošárvvu várjaleapmi, eallima álggus gitta lohppii.

Sivdnádusa várjaleapmi.

Eará riikkaidgaskasaš orgánat.

Olbmot geain lea jođihanovddasvástádus máilmiservodagas.

Riikkaidgaskasaš ásahusat ja searvvit.

## 2 | Iežamet eanan ja álmot

Olmot headis: buohccit, ovttaskasat, geafit, olbmot geat gillájit veahkaválldálašvuoda ja illásteami, olbmot geaidda leat deaividan likuhisvuodat, roasut ja heahti.

Olbmot geain lea jođihanovddasvástádus (riikka-, guovllu- ja báikkálaš dásis).

Gonagas ja su viessu (gonagasa berre namuhit namain).

Mánáid ja nuoraid bajásšaddandilli.

Inkluderen- ja ovtaiduhttinbargu.

Olmmošárvvu várjaleapmi, eallima álggus gitta lohppii.

Sivdnádusa várjaleapmi.

Min iežamet riikka oassi máilmiservodagas.

Eará hálddašandoiba, riikka- ja guovlludásis.

## 3 | Máilmiviidosaaš girku ja girku iežamet riikkas

Máilmiviidosaaš girku.

Miššuvdna ja diakonija.

Miššuvdnaprošeavttat ja ustitvuodasearvegottit.

Olbmot geat doarrádaljuvvojit oskkuset dihtii.

Norgga girku jođiheaddjit ja hálddašanorgánat, riikka- ja guovlludásis, ja bismagotti bisma (berre namuhit namain).

Girku ipmilbálvaluseallin, diakonija ja oskkuoahpahus.

Eará girkoservodagat Norggas.

Oktavuohta ja dialoga eará oskkuservodagaigiuin.

Evangeliuma ovdáneapmi.

## 4 | Min iežamet searvegoddi, min bearrašat ja báiki gos mii ássat

Báikkálaš searvegoddi, sii geat leat gásttašuvvon, konfirmánttat, mánát, nuorat ja earát.

Olbmot geain lea joðihanolvddasvástádus searvegottis.

Áigeguovdilis plánat ja prošeavttat.

Ipmilbálvaluseallin, diakonija ja oskuoahpahus.

Olbdot, joavkkut ja lagasbirrasa ásahusat: mánáidgárddit, skuvllat, buhcciid- ja boarráiidruovttut ja dakkárat.

Bargosajit, bearáš, lagaš oktavuođat, siidaguoimmit, buohkat geat servet ipmilbálvalussii.

Olbdot geat leat bivdán ovddasrohkosa.

Báikkálaš hálldašanbálvalus ja sivdnádusa várjaleapmi.

Rávkojupmi oskui ja bálvalussii.

## 5 | Áigeguovdilis dáhpáhusat

Dás rohkadallá áigeguovdilis dáhpáhusaid ovddas dain fáddáosiin bajábealde gosa dat lunddolaččat gullet, dahje sáhttá rohkadallat daid ovddas sierra.

## II. Ovddasrohkosvuogit – báikkálaččat heivehuvvon

### Ovddasrohkosvuohki 1 (čuovvu fáddáosiid/áššiid)

Go dán rohkosa ráhkkanahttá, de berre čielggadit galgá go duše namuhit rohkosfáttáid, vai ráhkaduvvojit go ollislaš rohkosat. Rohkosfáddá berre leat oanehaš ja čielgasit hábmejuvvon ja dan láhkái láidestit juohkehačča jaskes rohkosa.

Jos ráhkaduvvojit ollislaš rohkosat, de sáhttá guođđit eret juohke rohkoslađđasa jaskesrohkosa.

**ML/L** | Rohkadallot eatnama olbmuid ja álbumgiid ovddas.

**ML** | Mii rohkadallat ... ovddas... / giitit ... ovddas ...

Dás namaha muhtin konkrehtalaš rohkosfáttáid, dahje hábme rohkosa bajilčállaga fáttá mielde.

*Jaskes rohkos*

Ipmil, mii rohkadallat.

**S** | Searvegottevástádus

**ML/L** | Rohkadallot iežamet eatnama ja álbumoga ovddas.

**ML** | Mii rohkadallat ... ovddas ... / giitit ... ovddas ...

Dás namaha muhtin konkrehtalaš rohkosfáttáid, dahje hábme rohkosa bajilčállaga fáttá mielde.

*Jaskes rohkos*

Ipmil, mii rohkadallat.

S | Searvegottevástádus

ML/L | Rohkadallot máilmiviidosaš girku ovddas ja min iežamet riikka girku ovddas.

ML | Mii rohkadallat ... ovddas... / giitit ... ovddas ...

Dás namaha muhtin konkrehtalaš rohkosfáttáid, dahje hábme rohkosa bajilčállaga fáttá mielde.

*Jaskes rohkos*

Ipmil, mii rohkadallat.

S | Searvegottevástádus

ML/L | Rohkadallot iežamet searvegotti ovddas ja dan báikki ovddas gos mii orrut.

ML | Mii rohkadallat ... ovddas ... / giitit ... ovddas ...

Dás namaha muhtin konkrehtalaš rohkosfáttáid, dahje hábme rohkosa bajilčállaga fáttá mielde.

*Jaskes rohkos*

Ipmil, mii rohkadallat.

S | Searvegottevástádus

Ovddasrohkos sáttá loahpahuvvot ná:

ML/L | Jaskatvuodás bidjat mii dál du ovdií dan mii juohkehaččas lea váimmu alde.

*Jaskes rohkos*

Ipmil, mii rohkadallat.

DAHJE

ML/L | Du giedaide, Ipmil, bidjat mii buot ja buohkaid geaid ovddas mii dál leat rohkadallan, Jesus Kristusa nammii.

S | Searvegottevástádus

## Ovddasrohkosvuohki 2

### (ginttalcahkkeheapmi)

Dát vuohki sáttá leat vuogas earret eará ipmilbálvalusain main mánát ja nuorat (omd. konfirmánttai) leat mielde ráhkkanahttimin ja čađaheamen ipmilbálvalusa.

Vállje 3–6 rohkosfáttá ja hábme daid vuogi mielde mii čájehuvvo vuollelis. Rohkos sáttá maid hábmejuvvot fáddáosiid mielde (gč. s. 2.XX).

Juohke rohkosoassi sáttá čađahuvvot ná:

ML/L | Jorgalehkot mii Ipmilii rohkosiin.

**Mii cahkkehit gintala ... ovddas**

Ginttal cahkkehuvvo ginttalglobas dahje beavddi alde mas leat rohkosgintalaat.

**ja giitit / rohkadallat / ovddas ...**

Dás čuvvot okta dahje eanet rohkosat dan rohkosfáddái masa ginttal cahkkehuvvui.

Dasto sáhttá čuovvut:

*Jaskes rohkos*

Ipmil, mii rohkadallat.

**S | Searvegottevástádus**

## Ovddasrohkosvuohki 3

(sálbma)

Sálmemat sáhttet vuohkkasit heivet ovddasrohkosis, áinnas nu ahte lávlu daid ovtta veарsssa ain hávil.

Dalle sáhttá hábmet áigeguovdilis rohkosiid juohke veарsssa vuodul.

Vuogas sálmemat, ovdamarkkat:

Gula áhcči almmis, rohkosa (Sálbmagirji II nr.553)

.....

.....

.....

## Ovddasrohkosvuohki 4

(njeallje almmiguovllu)

Dán vuogi sáhttá atnit earret eará ipmilbálvalusain maid fáddá lea miššuvdna ja riikkaidgaskasaš diakonija.

Ráhkadir áigeguovdilis rohkosiid mat čatnasit njealji almmiguvlui,

Ráhkadir rohkosiid mat gusket dan njealji almmiguvlui. Sáhttet leat rohkosat oabbágirkuid ovddas, olbmuid ovddas geat leat riidduin ja roasuin, sivdnádusa ovddas dahje áigeguovdilis áššiid ovddas. Ovddasrohkos ipmilbálvalusa giittusoaffara ovddas sáhttá heivehit dakko gokko lea lunddolaš.

Ovddasrohkos sáhttá álgahuvvot ná:

**ML/L | Rohkadallot girku ja máilmimi ovddas čuoččastettiin ja jorgalettiin njealji almmiguvlui.**

Searvegoddi čuožžila.

## 1 | Nuorta

**ML/L | Mii jorggihit nuorttas ja rohkadallat min oappáid ja vieljaid ovddas doppe.**

Searvegoddi jorggiha nuorttas.

Sáhttá cahkkehit gintala nuorttabeallái, ginttalglobas dahje beavddis mas leat njeallje rohkosgintala.

**Mii rohkadallat ... ovddas/...giitit ... ovddas.**

Dás čuvvot okta dahje eanet rohkosat main lea oktavuohta nuorttaguovlluin. Dat gii rohkadallá, loahpaha rohkosa ná:

Ipmil, mii rohkadallat.

**Buo** | Šaddos du dáhtu, šaddos du dáhtu. Ipmil, šaddos du dáhtu eatnamis. (Du dáhtu miel, du dáhtu miel, du dáhtu miel šaddos dat nu.)  
dahje eará heivvolaš searvegoddevástádus.

## 2 | Oarji

**ML/L** | Mii jorggihit oarjjás ja rohkadallat min oappáid ja vieljaid ovddas doppe.  
Searvegoddi jorggiha oarjjás.

Sáhttá cahkkehít gintala oarjjabeallái, gintalglobas dahje beavddis mas leat njeallje rohkosgintala

Mii rohkadallat ... ovddas /...giitit ... ovddas.

Dás čuvvot okta dahje eanet rohkosat main lea oktavuohta nuortaguovlluin. Dat gii rohkadallá, loahpaha rohkosa ná:

Ipmil, mii rohkadallat.

**Buo** | Šaddos du dáhtu, šaddos du dáhtu. Ipmil, šaddos du dáhtu eatnamis.  
dahje eará heivvolaš searvegoddevástádus.

## 3 Lulli / Máddi

**ML/L** | Mii jorggihit lulás/máttás ja rohkadallat min oappáid ja vieljaid ovddas doppe.

Searvegoddi jorggiha lulás.

Sáhttá cahkkehít gintala lulábeallái / máttabeallái, gintalglobas dahje beavddis mas leat njeallje rohkosgintala

Mii rohkadallat ... ovddas/...giitit ... ovddas.

Dás čuvvot okta dahje eanet rohkosat main lea oktavuohta nuortaguovlluin. Dat gii rohkadallá, loahpaha rohkosa ná:

Ipmil, mii rohkadallat.

**Buo** | Šaddos du dáhtu, šaddos du dáhtu. Ipmil, šaddos du dáhtu eatnamis.  
dahje eará heivvolaš searvegoddevástádus.

## 4 | Davvi

**ML/L** | Mii jorggihit davás ja rohkadallat min iežamet oasi ovddas málmmis ja girkus.

Searvegoddi jorggiha davás guvlui.

Sáhttá cahkkehít gintala davábeallái, gintalglobas dahje beavddis mas leat njeallje rohkosgintala

Mii rohkadallat ... ovddas/...giitit ... ovddas.

Dás čuvvot okta dahje eanet rohkosat main lea oktavuohta davviguovlluin. Dat gii rohkadallá, loahpaha rohkosa ná:

Ipmil, mii rohkadallat.

Buo | Šaddos du dáhtu, šaddos du dáhtu. Ipmil, šaddos du dáhtu eatnamis.  
dahje eará heivvolaš searvegoddevástádus.

## Ovddasrohkosvuohki 5 (rohkosvázzin)

Rohkosvázzin sáhttá leat ovddasrohkosa áigge, dahje dallego leat eahkedismállásat. Rohkosvázzin sáhttá maid leat sierra vázzinipmilbálvalus.  
Vázzima áigge berre leat musihkka, áinnas vurrolagaid čuojanasmusihkka ja lávlun, jogo koarralávlun dahje sololávlun.

Rohkosvázzima ovdamearkkat:

Jaskes rohkos áltárrieggás – vejolaš čippostit ja rohkadallat.

Sierra ovddasrohkos, vejolaččat giehtabidjamiin – dakkár sajis lanjas gos lea veahá sierra.

Buressivdnádus – olmmoš sáhttá čippustit ja veahkkeliturga bidjá giedja su oaivvi ala ja cealká buressivdnádusa mii lea hábmejuvpon ovddalgihtii.

Gástamuituhus – gástalihti guoras. Juohke olmmoš merkejuvvo ruossamearkkain ja sutnje celkojuvvojit lohpádussánit.

Rohkosruhkku – lea vejolaš cállit rohkoslihpuid, dahje tevdnet (mánáide ja rávisolbmuide geaidda lea álkit tevdnet go cállit). Vállje áinnas iešguđet ivnni báhpriiid, ja almmut ahte jus vállje vissis ivnnat báhpira, de dáhttu iežas rohkosa lohkojuvvot jitnosit. Rohkoslihpuid sáhttá bidjat ruhkuide mat guddojuvvojt áltárii go rohkosvázzin lea nohkan.

Cahkkehít gintaliid – ginttalglobas ja/dahje eará sajis lanjas.

Rihppadovddastus – dat gii dáhttu oažžut celkojuvvot suttuid ándagassii addojumi, čippusta sierra stuolu lusa ja dovddasta suttuidis. Liturga dahje mielliturga bidjá giedja su oaivvi ala gii lea čippustan ja cealká ándagassii addojumi sániid: «Hearrámet Jesus Kristusa sáni ja gohččuma mielde, cealkkán mun dutnje buot du suttuid árbmugas ándagassii addojumi, Áhči ja Bártni ja Bassi vuoiŋja nammii.»

Juolgebassan – lea eanemus áigeguovdil sierra ipmilbálvalusbeivviid, nugo skilleduorastaga.

Eará oasit, ovdamearkka dihtii dakkárat mat heivejit ipmilbálvalusa fáddái. Bisánanbáikkit mat addet dieđuid ja veahki čiekñjudahttimii. Symbolalaš dagut, hábmenhástalusat j.e.

Dáiddabarggut maid luhtte bisána smiehtadit ja rohkadallat, áinnas installašuvnnat dahje ođđaágge dáiddabarggut maid sáhttá luoikkahit dahje láigohit.

Ipmilbálvalusain main eai leat eahkedismállásat loahpahuvvo rohkosvázzin oktasaččat Áhčámet-rohkosii. Ipmilbálvalusas mas rohkosvázzin ja eahkedismállásat leat oktanis, loahpahuvvo vázzin go buohkat leat ožžon eahkedismállásiid, ja liturga oaidná ahte lea áigi loahpahit. Dalle sáhttá rohkosruhku guoddit boššui ja bidjat áltára ala.

Dan manjjil čuvvot eahkedismállásiid cealkámušsánit. Dáid sániid manjjil sáhttet muhtin rohkosat lohkojuvvot (jos dat lea ovddalgiitii almmuhuvvon), ja dán oasi sáhttá loahpahit dainna dahje eará heivvoláš rohkosii:

L | Ipmil, mii bidjat du giedjaide buot maid – ja buohkaid geaid – ovddas mii leat rohkadallan, Jesus Kristusa nammii.

## III. gárvásit hábmejuvvon ovddasrohkosat

### Ovddasrohkos 1

ML/L | Du girku ovddas eatnama alde, oktavuođa ovddas oskkolaččaid gaskkas, evangeliuma ovdáneami ovddas miehtá máilmimi, Ipmil, mii rohkadallat du.

S | Searvegoddevástádus (oanehis searvegoddevástádus, lohkojuvvo dahje lávlojuvvo)

ML/L | Du girku ovddas min eatnamis, min bismma ja min searvegottiid ovddas, buot du bálvaleddjiid ja mielbargiid ovddas, Ipmil, mii rohkadallat du.

S | Searvegoddevástádus (oanehis searvegoddevástádus, lohkojuvvo dahje lávlojuvvo)

ML/L | Oskku nannema ovddas Sáni ja sakrameanttaid bokte, oskkáldasvuodá ovddas rohkosis, gierdavašvuodá ja ilu ovddas, Ipmil, mii rohkadallat du.

S | Searvegoddevástádus (oanehis searvegoddevástádus, lohkojuvvo dahje lávlojuvvo)

ML/L | Friddjavuođa ja ráfi ovddas máilmis, láibbi nealaggi gillájeddiide, vuogatvuodá báhtareddjiide ja sidjiide geat doarrádaljojuvvojít, oktavuođa ovddas rastá rájáid, Ipmil, mii rohkadallat du.

S | Searvegoddevástádus (oanehis searvegoddevástádus, lohkojuvvo dahje lávlojuvvo)

ML/L | Min gonagasa ja su viesu ovddas, buohkaid ovddas geain lea jodíhanovddasvástádus min gaskkas, mii rohkadallat du, Ipmil.

S | Searvegoddevástádus (oanehis searvegoddevástádus, lohkojuvvo dahje lávlojuvvo)

ML/L | Buohkaid ovddas geat buhcet ja leat morrašis, geat leat okto ja hilgojuvvon, buohkaid ovddas geat ellet fillehusain ja váralašvuodás, Ipmil, mii rohkadallat du.

S | Searvegoddevástádus (oanehis searvegoddevástádus, lohkojuvvo dahje lávlojuvvo)

ML/L | Ahte don leat min lahka buot headis, ahte mii oččošeimmet bálvalusa fámu, vai mii oktii ollešeimmet agálaš eallimii, Ipmil, mii rohkadallat du.

S | Searvegoddevástádus (oanehis searvegoddevástádus, lohkojuvvo dahje lávlojuvvo)

Dás sáhttá čuovvut jaskes rohkos dáid sániid manjis:

ML/L | Jaskatvuodás mii bidjat du ovdi dan mii guðesge lea váimmu alde.

*Jaskes rohkos*

ML/L loahpaha ná:

Ipmil, mii rohkadallat.

S | Searvegoddevástádus (oanehis searvegoddevástádus, lohkojuvvo dahje lávlojuvvo)

## Ovddasrohkos 2

Buotveagalaš, agálaš Ipmil, mii giitit du  
ja máidnut du bassi nama,  
dasgo don leat buorre, ja du váibmoláđisvuhta ii goassege nogá.

Mii rohkadallat máilmiviidosaš girku ovddas.

Bisut oktavuođa buot oskkolaččaid gaskkas.

Divtte evangeliuma ovdanit buot riikkain.

Geahča árpuuin dan álbmogii masa addet  
lohpádusaidat boares lihtus.

Nanne sárdnideddjiid ja miššunbargiid  
ja buohkaid geat sohtet oskku buori soađi.

(Mii rohkadallat ... ovddas. Sáhttá namahit áigeguovdilis rohkosfáttáid)

Doala min gitta duohtavuođastat.

Ipmil, dan mii rohkadallat.

S | Searvegottevástádus

Mii rohkadallat iežamet searvegotti ovddas.

Atte midjiide roahkkatvuodja ja dáhtu bálvalit du.

Nanne min Sáni ja sakrameanttaid bokte,

vai mii oččošeimmet fámu ja dáhtu bissut ovttas bahás fámuid vuostái.

Rávkka konfirmánttaid eallit oskkus ja bálvalusas.

(Mii rohkadallat ... sáhttá namahit áigeguovdilis rohkosfáttáid)

Láide min sániinat ja viisodagainat.

Ipmil, dan mii rohkadallat.

**s | Searvegoddevástádus**

Mii rohkadallat olbmuid ovddas geat gillájít,

buhcciid ja ovttaskasaid ovddas,

ruovttuhemiid ovddas,

báhtareddjiid ja soađi gillájeddjiiid ovddas,

buohkaid ovddas geat gillájít vuogatmeahttunvuoda ja sordojuvvojit,

ja buohkaid ovddas geat aiddo leat boahtán min riikii.

(Mii rohkadallat ... ovddas. Sáhttá namahit áigeguovdilis rohkosfáttáid)

Veahket min várjalit olmmošárvvu ii rihkkojuvvo

eallima álggu rájes gitta lohppii.

Ipmil, dan mii rohkadallat.

**s | Searvegoddevástádus**

Mii rohkadallat máilmomi ovddas.

Várjal buot eatnama olbmuid dulvvis ja goikkádagain,

ja buressivdnit min buriin ja ávkkálaš dálkkiin.

Atte midjiide dáhtu gáhttet eatnama maid don leat addán midjiide.

Atte ráfi ja friddjavuođa olbmuide ja álbgomiidda,

vuogatvuoda servodagas ja bargoeallimis,

buressivdnádusa min bargui,

ja máhtu ja dáhtu juogadit vuoggalaččat.

(Mii rohkadallat ... sáhttá namahit áigeguovdilis rohkosfáttáid)

Atte midjiide du ráfi.

Ipmil, dan mii rohkadallat.

**s | Searvegoddevástádus**

## Ovddasrohkos 3

Agálaš Ipmil, almmi ja eatnama sivdnideaddji,

Mii giitit ja máidnut du buot du buorrevuoda ovddas midjiide.

Mii rohkadallat du sivdnádusa ovddas.

Veahket min hálddašit dan guhtet guimmiidasamet ávkin.

Láide álbgomiid ja našuvnnaid eallit oktavuodas ja ráfis.

Várjal min gonagasa ja su viesu.

Atte viisodaga ja roahkkatvuoda buohkaide geain lea jođihanovddasvástádus min gaskkas.

(Mii rohkadallat ... dás sáhttet čuovvut konkrehta rohkosat mat gusket fáddái)

Gáhtte min gáðašvuodas ja láitimis,  
ja veahket min eallit ráfis ja soabalašvuodas.  
Ipmil, mii rohkadallat.  
**S | Searvegoddevástádus**

Mii rohkadallat buohkaid ovddas geat ellet geafívuodas.  
Leage sin dorvu ja oadjebasvuohta geat báhtarit nealggis ja roasuín,  
Mii rohkadallat ráfi Jerusalemii ja rohkadallat ráfi buohkaide  
geaid doaivva lea čadnojuvvon dán gávpogii.  
Mii rohkadallat vearjjohis heakka ovddas.  
Leage buot buhcciid luhtte, ja sin luhtte geat dárbbašit veahki.  
Mii rohkadallat buohkaid ovddas geat váillahit oktavuoda ja gullevašvuoda.  
Doala várjaleaddji giedat mánáža badjel eatni heakkas.  
Veahket sin geat gillájit veahkaválldi ja illásteami.  
(Mii rohkadallat ... *dás sáhttet čuovvut konkrehtha rohkosat mat gusket fáddái*)  
Daga min guldaleaddji, jeđđejeaddji ja dálkkodeaddji bálvaleaddjin.  
Ipmil, mii rohkadallat.  
**S | Searvegottevástádus**

Mii rohkadallat du girku ovddas eatnama alde.  
Deavdde dan Vuoinjainat.  
Várjal min vearrioahpus ja jápma ipmilbálvaleamis.  
Leage sin lahka geat doarrádallovuvvojít du nama dihtii.  
Mii rohkadallat min bismma (*namma sáhttá namuhuvvot*) ovddas  
ja buohkaid ovddas geain lea jodíhanovddasvástádus min girkus.  
Mii rohkadallat searvegotti ovddas, ipmilbálvalusaid ja čoagganemiid ovddas,  
daid ovddas geat leat gásttašuvvon/geat odne gásttašuvvojít (*gástamánát  
namuhuvvojít ovdanamain*),  
sin vánhemiid, ristvánhemiid ja sin lagas olbmuid ovddas.  
Mii rohkadallat konfirmánttaid ovddas.  
Veahket sin gávdnat du geainnu eallimis.  
Divtte sin dovdat iežaset fátmastuvvon du ráhkisuodas.  
(Mii rohkadallat ... *dás sáhttet čuovvut konkrehtha rohkosat mat gusket fáddái*)  
Atte midjiide soabalaš miela go deaivvadit olbmuiguin geain lea eará osku dahje  
jáhkku,  
amamet dubmet ja gielistit guhtet guimmiideamet birra.  
Ipmil, mii rohkadallat.  
**S | Searvegottevástádus**

Buorre Ipmil, mii rohkadallat min oktavuoðaid ovddas  
searvegottis, bearrašis, ustibiid gaskkas ja lagas birrasis.  
Mii rohkadallat mánáidgárddiid ja skuvllaaid ovddas,  
fitnodagaid ja bargosajiid ovddas ja sin ovddas geain ii leat bargu.

Leage sin lahka geat rahčet eallimis,  
(Mii rohkadallat ... dás sáhttet čuovvut rohkosat báikkálaš ásahusaid ovddas.  
buhcciid- ja boarrásiidruovttuid ovddas, ustitvuodža ovddas olbmuide ja  
prošeavtaide eará riikkain, ja eará rohkosat mat gusket fáddái)  
Mii rohkadallat ruovttuvideamet ovddas.  
Divtte min eallit ovttas oskkáldasvuodjas ja atnit árvvus guhtet guimmiideamet.

Ovddasrohkosa sáhttá loahpahit ná:

Jaskadit mii bidjat du ovdi dan mii guðesge lea váimmu alde.

Ipmil, mii rohkadallat.

s | Searvegottevástádus

## Ovddasrohkos 4

Almmálaš Áhčči.

Giitu go don sivdnidit min,  
ja giitu go don sivdnidit eatnama mas mii orrut.  
Giitu go don dovddat min ja ráhkistat min.

Yeahket min váldit vára guhtet guimmiineamet ja buot das maid don leat  
sivdnidan.

Ipmil, mii rohkadallat.

s | Searvegoddevástádus

Ráhkis Jesus.

Don gávdnet ustibiid geaiguin sáhttet illudit ja čierrut.

Giitu buot ustibiid ovddas.

Yeahket min doarjut guhtet guimmiideamet.

Divtte buot olbmuid gávdnat muhtuma geasa sáhttet luohttit.

Don leat čájehan midjiide ahte buot olbmot leat ovttáárvosaččat ja ovta  
mávssolaččat.

Leage sin luhette geat gillájít earáid jierpmehisvuodža dahje bahávuodža dihtii.

Yeahket min bargat vealaheami ja vuogatmeahttunvuodža vuostái.

Ipmil, mii rohkadallat.

s | Searvegottevástádus

Buorre bassi Vuoignja.

Don čájehat midjiide dan geainnu maid mii galgat vágjolit.

Atte midjiide dáhtu ja fámu vágjolit dan.

Atte midjiide viisodaga ja nanusvuodža bissut ovttas.

Don leat rávkan min iežat girkun.

Boađe min lusa du attáldagaiguin,

ja yeahket min leat čuovgan ja sáltin eatnamis.

Ipmil, mii rohkadallat.

## IV. litaniijat

### Ráfilitanija

Dán litaniija maanjá sáhttá leat oanehis rohkos áigeguovdilis rohkofáttáin. Sáhttá maid loahpahit ná:  
«Jaskatvuodas mii bidjat dál du ovdi dan mii guðesge lea váimmu alde.»  
Litaniija teavstta vuodul sáhttá hábmet áigeguovdilis rohkosiid maid bidjá muhtin dahje buot rohkosiid sadjái.

ML | Mii rohkadallat buressivdnádusa.

L | Buressivdniduvvon lehkos du riika, Áhčci, Bárdni ja bassi Vuognja, dál ja álo ja agálaččat.

Buo | Amen

Litaniija sáhttá maiddái álggahuvvot dás.

ML | Rohkadallot ráfis Hearrái.

Buo | Hearrá, árpmit min / Kyrie eleison.

ML/L | Ráfi allagasas ja min sielu bestojumi ovddas, rohkadallot Hearrá.

Buo | Hearrá, árpmit min / Kyrie eleison.

ML | Olles máilmomi ráfi ovddas, Ipmila bassi girku searvevuoda ovddas, ja buohkaid oktavuoda ovddas, rohkadallot Hearrá.

Buo | Hearrá, árpmit min / Kyrie eleison.

ML | Dán bassi viesu ovddas ja sin ovddas geat loaiddastit dasa oskkuin, gudnejahttimiin ja ipmilbalolašvuodain, rohkadallot Hearrá.

Buo | Hearrá, árpmit min / Kyrie eleison.

ML | Oppa Ipmila álbmoga ovddas, buot min girku bálvaleddjiid ovddas, min báhpaid ja min bismma (*namma sáhttá namuhuvvot*) ovddas. Rohkadallot Hearrá.

Buo | Hearrá, árpmit min / Kyrie eleison.

ML | Dán gávpoga/ báikegotti ovddas ja buot eatnamiid ja báikkiid ovddas, ja oskkolaččaid ovddas geat doppe áasset, rohkadallot Hearrá.

Buo | Hearrá, árpmit min / Kyrie eleison.

ML | Ávkkálaš dálkiid, valljugas šattu eatnama alde ja rafalaš áiggiid, rohkadallot Hearrá.

Buo | Hearrá, árpmit min / Kyrie eleison.

**ML** | Sin ovddas geat johtet meara alde, eatnama mielde ja áimmus, buhcciid ja gillájeddjiiid ovddas, fánggaid ja sin bestojumi ovddas, rohkadallot Hearrá.

**Buo** | Hearrá, árpmit min / Kyrie eleison.

**ML** | Ahte mii gáddjojuvvošeimmet buot átestusain, moaris, headis ja váralašvuodás, rohkadallot Hearrá.

**Buo** | Hearrá, árpmit min / Kyrie eleison.

**ML** | Veahket min, beastte min, árpmit ja várjal min, árpmustat, Hearrá.

**Buo** | Hearrá, árpmit min / Kyrie eleison.

**ML** | Muitot sin geat ledje oskkáldasat jápmima rádjái, vai mii bidjat iežamet ja guhtet guimmiideamet ja min eallima Hearrá Jesus Kristusa hálđui.

**Buo** | Dutnje fal, Hearrámet.

**L** | Dasgo vuoitu, gudni ja fápmu gullá dutnje, Áhčái, Bárdnái ja bassi Vuignji, dál ja álo ja agálaččat.

**Buo** | Amen. / Amen, amen amen.

## Litanija

Martin Luther hábmii dán min girku árbevirolaččamus litanija, gaskaáiggi bassiolbmuid litanija vuođul. Dat lea earenoamážit gullan fástoáigái ja gáhtamuš- ja rohkosbeavái.

Searvegodi sáhttá lávlut olles 2. ja 8. vearssa.

Ipmilbálvalusas mas leat eahkedismállásat, sáhttá litaniijas guođđit eret loahppaoasi «Buhtis Ipmil Láppis».

1

**Buo** | Kyrie eleison, Ipmil Áhči, árpmit min,

Kriste eleison, Hearrá Kristus, árpmit min.

Kyrie eleison, bassi Vuoignja, árpmit min.

2

**ML/L/Buo** | Ipmil Áhčámet almmis,

**Buo** | árpmit min badjelii.

**ML/L/Buo** | Hearrá Jesus, máilmimi Beasti,

**Buo** | árpmit min badjelii.

**ML/L/Buo** | Bassi Vuoignja, jedđejeaddjámet,

**Buo** | árpmit min badjelii.

3

**ML/L** | Buot suttuin, buot čádjádusain, buot bahás/buot das mii bahá lea,

**Buo** | Hearrá Ipmil, beastte min.

4

**ML/L** | Bahás ja fáhkkes jápmimis, soađis ja sordojumis, lihkuhisvuodain ja dušadeamis,

**Buo** | Hearrá Ipmil, beastte min.

**ML/L** | Agálaš jápmimis,  
Hearrá Ipmil, beastte min.

5

**ML/L** | Kristusa bassi riegádeami dihtii,  
su ruossa ja jápmima dihtii,  
su vuitevaš bajásčuožzileami ja albmái mannama dihtii,  
min lihku áiggis, min morrašis ja headis,  
min maŋimuš bottus ja duopmobeaivvi,  
**Buo** | ráhkis Hearrá Ipmil, veahket min.

6

**ML/L** | Stivre ja láide bassi kristalaš girkot,  
ja ovttastahte dan duohtavuođastat.

Atte girkui bálvaledjiid geat dollet gitta du sánis.

Várjal min vearri oahpus ja jápma oskkus.

**Buo** | Ráhkis Hearrá Ipmil, gula min.

**ML/L** | Nanne min searvegotti Vuoinjainat ja fámuinat.

Rávkka sin geat leat jorralan eret, ja divtte sánát ovdánit eatnama alde.

**Buo** | Ráhkis Hearrá Ipmil, gula min.

7

**ML/L** | Atte ráfi ja soabalašvuoda buot riikkain.

Suodjal min álbmoga ja min gonagasa.

Várjal eatnama ja buressivdnit min barggu.

**Buo** | Ráhkis Hearrá Ipmil, gula min.

**ML/L** | Boađe sidjiide veahkkin geat leat headis ja váralašvuodas.

Daga buori sidjiide geat dahket baháid midjiide.

Árpmit buot olbmuid.

**Buo** | Ráhkis Hearrá Ipmil, gula min

**ML/L** | Jesus Kristus, Ipmila Bárdni.

**Buo** | Hearrá, gula min rohkosa.

8

**ML/L/Buo** | Buhtes Ipmil Láppis, guhte guottát máilmomi suttu,

**Buo** | árpmit min.

**ML/L/Buo** | Buhtes Ipmil Láppis, guhte guottát máilmimi suttu,

**Buo** | árpmit min.

**ML/L/Buo** | Buhtes Ipmil Láppis, guhte guottát máilmimi suttu,

**Buo** | attásit midjiide du ráfi.

9

**Buo** | Hearrá, gula min ja divtte min čuorvasa olahit du lusa.

Amen.

Fástoáiggis loahpahuvvo litaniija fástokolleaktain (fástokolleaktarohkosiin). Sáhttá rohkadallat moadde oanehis rohkosa litaniija ja fástokolleaktta gaskkas. Rohkosat sáhttet maid loahpahuvvot ná: «Jaskatvuodas mii bidjat dál du ovdii dan mii guðesge lea váimmu alde.»

**L/ML** | Mii giitit du, Ipmil Áhčámét,  
guhte leat addán midjiide áidnoriegádan Bártnát, Jesus Kristusa,  
amas oktage láhppot guhte osku sutnje,  
muhto vai son oažžu agálaš eallima.

Mii giitit du, Jesus Kristus,  
go don leat guoddán min suttuid du bassi rupmašis  
ja sihkkon buot min rihkkumiid varainat.

Mii giitit du, bassi Vuoigŋa,  
go don leat addán midjiide dán oskku min váibmui  
ahte Jesus Kristus lea min áidna gáddjojupmi ja bestojupmi.  
Ipmil, atte midjiide árpmot, vai mii nannosit oskkošeimmet  
ahte buot min suttut leat ándagassii addojuvvon  
Jesus Kristusa gillámuša ja jápmima dihtii.

Nanne min bassi Vuoiŋŋainat, vai mii juohke beaivvi vuostálastit suttuid ja  
geahččalusaid ja álelassii bissut Jesusa lahka,  
dassázii go mii oaidnalit suinna oktiičalmimiid.

Mii rohkadallat Jesus Kristusa nammii.

**Buo** | Amen.

V.

## searvegoddevástdusat

Iešguđet searvegoddevástdusat leat gávdnamis dáppe:

Liturgalaš musihkka Norgga girku váldoiipmilbálvalussii.

Dohkkehuvvon sálbmagirjjit.

Norgga girku digitála ipmilbálvalusgirjerádj.

Orgelčuojaheaddji ipmilbálvalusgirji.

Eará vejolaš gáldut.

## girkojagi prefašuvnnat

Liturga messe dahje cealká girkojagiprefašuvnna.

### Adveanta

Duođaid lea dohkálaš ja riekta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte, gean don vuolggahit beastit máilmomi, ollašuhttit lohpádusaid maid don addet álbgogasat profehtaid bokte. Su bokte máidnot eŋgelat du hearvásvoða, ja du searvegoddi almmis ja eatnama alde rámida du nama ovttamielalaš ávuin. Singuin áigut mii ge ovttastahttit jienaidem ja rohkadallamiin lávlut:

### Juovllat ja Márjjábeaivi

Duođaid lea dohkálaš ja riekta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte, guhte min dihtii šattai olmmožin, vai mii šattašeimmet du mánnán, bestojuvvon seavdnjadadas du ovddolaš čuovgasii. Su bokte eŋgelat máidnot du hearvásvoða, ja du searvegoddi almmis ja eatnama alde rámida du nama ovttamielalaš ávuin. Singuin áigut mii ge ovttastahttit jienaidem ja rohkadallamiin lávlut:

### Almmustusáigi

Duođaid lea dohkálaš ja riekta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte, guhte almmustahtii du hearvásvoða máilbmái, amas dat guhte čuovvu su, vádjolit seavdnjadadas, muhto vai sus lea čuovgas ja agálaš eallin. Su bokte eŋgelat máidnot du hearvásvoða, ja du searvegoddi almmis ja eatnama alde máidnu du nama ovttamielalaš ávuin. Singuin áigut mii ge ovttastahttit jienaidem ja rohkadallamiin lávlut:

## Fástu

Duoðaid lea dohkálaš ja riekta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte, guhte ráhkistii min ja attii iežas min ovddas, ja lei gulolaš jápmima rádjái, ruossa jápmima rádjái. Su bokte enjelat máidnot du hearvásvoða, ja du searvegoddí almmis ja eatnama alde rámida du nama ovttamielalaš ávuin. Singuin áigut mii ge ovttastahttit jienaindeamet ja rohkadallamiin lávlut:

## Beassážat

Duoðaid lea dohkálaš ja riekta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte. Son lea duohta beassásláppis, guhte lea guoddán min puttuid ja bajásčuožžileamis bokte vuoitán jápmima. Su bokte enjelat máidnot du hearvásvoða, ja du searvegoddí almmis ja eatnama alde rámida du nama ovttamielalaš ávuin. Singuin áigut mii ge ovttastahttit jienaindeamet ja rohkadallamiin lávlut:

## Helloduorastat ja sotnabeaivi ovdal hellodagaid

Duoðaid lea dohkálaš ja riekta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte, guhte manai bajás albmái ja dál čohkká du olgeš giedja bealde. Su bokte enjelat máidnot du hearvásvoða, ja du searvegoddí almmis ja eatnama alde rámida du nama ovttamielalaš ávuin. Singuin áigut mii ge ovttastahttit jienaindeamet ja rohkadallamiin lávlut:

## Hellodagat

Duoðaid lea dohkálaš ja riekta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte, guhte truvdnida du olgeš giedja bealde ja lea vuolggahan Bassi vuoinjja su duoðašteddjiid badjelii, vai du álbmot beasašii ávvudit iluin ja sárdnidit du stuorra daguid máŋgga gillii. Su bokte enjelat máidnot du hearvásvoða, ja du searvegoddí almmis ja eatnama alde rámida du nama ovttamielalaš ávuin. Singuin áigut mii ge ovttastahttit jienaindeamet ja rohkadallamiin lávlut:

## Golmmaoktavuða áigi

Duoðaid lea dohkálaš ja riekta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte, gean don vuolggahit bestojupmin máilmái, vai mii su jápmima bokte oččošeimmet ándagassii addojumi buot suttuin ja su bajásčuožžileami bokte vuoittášeimmet agálaš eallima. Su bokte enjelat máidnot du hearvásvoða, ja du searvegoddí almmis ja eatnama alde rámida du nama ovttamielalaš ávuin. Singuin áigut mii ge ovttastahttit jienaindeamet ja rohkadallamiin lávlut:

#### DAHJE

Duoðaid lea dohkálaš ja riekta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte. Son lea ealli láibi mii boahtá almmis ja addá máilmái eallima, amas dat guhte su lusa boahtá, nealgut, ja dat guhte sutnje osku, goassege goikat. Su bokte enjelat máidnot du hearvásvoða, ja du searvegoddí almmis ja eatnama alde rámida du nama ovttamielalaš ávuin. Singuin áigut mii ge ovttastahttit jienaindeamet ja rohkadallamiin lávlut:

#### DAHJE

Duoðaid lea dohkálaš ja riekta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte, guhte bodíi min lusa almmi riikkain ja sártnui ilolaš sága, vai suttolaččat beasašedje čohkkát du riikka beavddis. Su bokte enjelat máidnot du hearvásvoða, ja du searvegoddí almmis ja eatnama alde rámida du nama ovttamielalaš ávuin. Singuin áigut mii ge ovttastahttit jienaindeamet ja rohkadallamiin lávlut:

#### DAHJE

Duoðaid lea dohkálaš ja riekta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte, guhte dagai min iežas máhjjájeaddjin ja lohpidii leat minguin buot beivviid gitta máilmimi loahpa rádjái. Su bokte enjelat máidnot du hearvásvoða, ja du searvegoddí almmis ja eatnama alde rámida du nama ovttamielalaš ávuin. Singuin áigut mii ge ovttastahttit jienaindeamet ja rohkadallamiin lávlut:

## Hállemasbeaivi ja martyrbeaivvit

Duoðaid lea dohkálaš ja riekta ahte mii álelassii ja juohke báikkis giitit du, buotveagalaš Ipmil, agálaš Áhčči, Jesus Kristusa, Hearrámet, bokte, guhte lei Beasti ja ovdagovva buot du bassi olbmuide geat leat ollašuhttán mátkki ja seailluhan oskku. Su bokte enjelat máidnot du hearvásvoða, ja du searvegoddí almmis ja eatnama alde rámida du nama ovttamielalaš ávuin. Singuin áigut mii ge ovttastahttit jienaindeamet ja rohkadallamiin lávlut:

# Eahkedismálisrohkosat

## eahkedismállásiid rohkos a

### Álggahanmáidnun

L | messe dahje cealká girkojagi prefašuvnna

Buo lávlot | Bassi SANCTUS

L | Mii mайднut du, bassi Ipmil, almmi ja eatnama Sivdnideaddji, guhte leat ráhkistan máilmomi ja addán Bártnát, Jesus Kristusa, vai son beasttášii min suttus ja jápmimis ja vuoittášii dutnje bassi álmoga. Mii rohkadallat: Vuolggat Vuoinjnat min ja du attáldagaid badjelii, vai mii oskkus válddášeimmet vuostái Jesus Kristusa láibbis ja viinnis.

### Ásahussánit VERBA

L | Hearrámet Jesus Kristus, dan ija go son behttojuvvui, de son válddii láibbi, giitti, doadjalii dan, attii máhttájeddjiidasas ja celkii: Váldet dán ja borret! Dát lea mu rumaš, mii addojuvvo din ovddas. Dahket dan muitin dihtii mu. Nu son válddii geara ge eahkedismállásiid manjil, giitti, attii sidjiide ja celkii: Juhket buohkat das. Dát gearra lea oðða lihttu mu varas mii golggahuvvo din ovddas suttuid ándagassii addojupmin. Dahket dan nu dávjá go dii juhkabehtet dan, muitin dihtii mu.

Ásahussániid manjil liturga ja searvegoddi sáhttet dadjet:

L | Čiejal lea oskku čiegusvuhta.

Buo | Kristus jámii. Kristus bajásčuožžili. Kristus boahtá fas.

Čuovvovaš cealkaga sáhttá lasihit:

Buo | Gudni lehkos sutnje ráhkisuodja ovddas mii lea gievrrat go jápmin.

L | Árbmugas Ipmil, mii ávvudit dáid mállásiid iluin ja giitosiin du Bárni ollašuvvan oaffara ovddas, oskkodettiin su vuitevaš bajásčuožžileami ja albmáimannama ja vuorddedettiin su boahtima hearvásvuodain. Mii rohkadallat du: Deavdde min ráhkisuodainat, vai mii dovdášeimmet Kristusa su siste gii nealgu ja goiká. Oahpat min ráhkistit guhtet guimmiideamet

nugo don leat ráhkistan min, ja divtte min oktii čoagganit du lusa du ollašuvvan riikii.

Buo | Áhččámet/Ahčči min

## eahkedismállásiid rohkos b

### Álgghanmáidnun

L | messe dahje cealká Mii giitit du, bassi Ipmil, Bártnát Jesus Kristusa bokte. Son lea agálaš Sátni, ja dán Sáni bokte don sivdnidit buot. Go áigi dievai, de don vuolggahit su málbbmái beastin ja friddjandahkkin. Dan dihtii mii máidnut du, oktan buot du bassi olbmuiguin almmis ja eatnama alde:

Buo lávlot | Bassi SANCTUS

L | Ipmil, mii máidnut du, ja giitit du Bártnát Jesus Kristusa ovddas. Vuoinjña fámuin nieida Márjá riegádahtii su, son elii seammá dilis go mii, ja son jámii go son lebbii giedaidis ruossamuoras. Dan láhkái son dagai jápmima duššin, cuvkii bahávuoda láhkkiid ja almmustahtii midjiide oačči bajásčuožžileami.

Danin mii muitit su jápmima ja bajásčuožžileami go mii buktit dáid attáldagaid du ovdii. Mii rohkadallat: Vuolggat bassi Vuoinjnat daid badjelii, vai dat šattašedje midjiide eallima láibin ja ráfi gearran. Orui vailume juoga?

### Ásahussánit VERBA

L | Hearrámet Jesus Kristus, dan ija go son behttojuvvui, de son válddii láibbi, giittii, doadjalii dan, attii máhttájeddjiidas ja celkkii: Váldet dán ja borret! Dát lea mu rumaš, mii addojuvvo din ovddas. Dahket dán muitin dihtii mu. Nu son válddii geara ge eahkedismállásiid maŋŋil, giittii, attii sidjiide ja celkkii: Juhket buohkat dás. Dát gearra lea oðða lihttu mu varas mii golggahuvvo din ovddas puttuid ándagassii addojupmin. Dahket dán nu dávjá go dii juhkabehtet dan, muitin dihtii mu.

Ásahussániid maijjil sáhttet liturga ja searvegoddi dadjat:

L | Čieŋal lea oskku čiegusvuhta.

Buo | Kristus jámii. Kristus bajásčuožžilii.

Kristus boahtá fas.

Čuovvovaš cealkka sáhttá lasihuvvot:

Buo | Sutnje lehkos gudni ráhkisuodaa ovddas mii lea gievrrat go jápmin.

L | Divtte buohkaid geat leat láibái ja viidnái oasálaččat, šaddat oktan. Deavdde min bassi Vuoiŋjainat ja nanne min duohtavuodas, vái mii beasašeimmet máidnut du ja eallit dutnje gudnin.

Buo | Áhččámet

## eahkedismállásiid rohkos c

### Álggahanmáidnun

L | messe dahje cealká Ipmil, man čienjal lea du riggodat ja máhttu! Almmit almmuhit du hearvásvuoda, ja eanan duođašta du giedaid daguid. Ovttas buot áiggiid oskkolaččaiguin mii máidnut du bassi nama.

Buo lávlot | Bassi SANCTUS

L | Bassi ja váibmoláđis leat don, Ipmil,  
guhte it jorggihan eret go olmmoš suddudii,  
muho addet lohpádusat Abrahame  
ahte buot álbumogat buressivdniduvvojit.

Fámolaš ja oskkáldas leat don, guhte čovdet álbumogat šlávvavuodas,  
ja odasmahttet lohpádusađat profehtaid bokte.

Go áigi dievai, de vuolggahit Bártnát, gean Márjá riegádahtii,  
čoavdit min ja addit midjiide vuoigatvuoda leat du mánán.

Su ruossajápmima bokte don soabahit buot iežainat ja duddjojit ráfi, ja su  
bajásčuožžileami bokte jápmin vuoittahalai.

Mii rohkadallat: Vuolggat Vuoiŋjat min ja du attálđagaid badjelii.

Ovttastahite min dan oskkus ahte don leat árbmugas,  
vai mii válđdášeimmet vuostái Jesusa rupmaša ja vara soabahussan ja ráfin, ja  
sárdnidit su jápmima dassážii go son boahtá.

## Ásahussánit VERBA

L | Hearrámet Jesus Kristus, dan ija go son behttojuvvui, de válldii son láibbi, giittii, doadjalii dan, attii máhttájeddjiidasas ja celkkii: Váldet dán ja borret! Dát lea mu rumaš, mii addojuvvo din ovddas. Dahket dán muitin dihtii mu. Nu son válldii geara ge eahkedismállásiid mañnil, giittii, attii sidjiide ja celkkii: Juhket buohkat dás. Dát gearra lea oðða lihttu mu varas mii golggahuvvo din ovddas suttuid ándagassii addojupmin. Dahket dán nu dávjá go dii juhkabehtet dan, muitin dihtii mu.

Mañnil ásahussániid sáhttet liturga ja searvegoddi dadat:

L | Čiejal lea oskku čiegusuuohta.

Buo | Kristus jámii. Kristus bajáscuožžilii. Kristus boahtá fas.

Čuovvovaš cealkká sáhttá lasihuvvot:

Buo | Sutnje lehkos gudni ráhkisuuoða ovddas mii lea gievrrat go jápmin.

L | Agálaš Ipmil, ovttas buot du sivdnádusain mii vuordit ja áibbašit ahte mii dahkkojuvvot friddjan duššalašvuodas ja šaddat oasálažžan dan friddjavuhtii maid du mánát oamastit hearvásvuodas. Dus ja du bokte ja dutnje gullet buot. Dutnje lehkos gudni agálačcat!

Buo | Áhččámet

## eahkedismállásiid rohkos d

### Álggahanmáidnun

L | messe dahje cealká girkojagi prefašuvnna.

#### DAHJE

Mii rámidit du, agálaš Ipmil,  
gii leat sivdnidan máilmxi ja buot mii das lea.  
Du siste mii eallit, lihkadir ja leat.  
Ovttas du searvegottiin almmis ja eatnama alde  
mii lávlumiin máidnut du bassi nama:

Buo lávlot | Bassi SANCTUS

L | Mii gjitit du, buot buorrevuoda ája. Don vuolggahit Bártnát. Son russiinávlejuvvui ja bajásčuožžili jábmiid luhtte. Son rabai čállagiid ja almmustahtii iežas ustibiiddásis go doadjalii láibbi ja attii sidjiide. Dál mii rohkadallat: Divtte Vuoinjat boahtit min ja du attáldagaid badjelii, vai min

čalmmmit rahpasivčče, ja mii dovddašeimmet ahte son lea min russiinávlejuvvon ja bajásčuožžilan Beasti

## Ásahansánit VERBA

L | Hearrámet Jesus Kristus, dan ija go son behttojuvvui, de son válddii láibbi, giittii, doadjalii dan, attii máhttájeddjiidasas ja celkkii: Váldet dán ja borret! Dát lea mu rumaš, mii addojuvvo din ovddas. Dahket dán muitin dihtii mu. Nu son válddii geara ge eahkedismállásiid maŋjil, giittii, attii sidjiide ja celkkii: Juhket buohkat dás. Dát gearra lea oðða lihttu mu varas mii golggahuvvo din ovddas puttuid ándagassii addojupmin. Dahket dán nu dávjá go dii juhkabehtet dan, muitin dihtii mu.

Maŋjil ásahussániid sáhttá liturga ja searvegoddi dadjat:

L | Čieŋal lea oskku čiegusvuhta.

Buo | Kristus jámii. Kristus bajásčuožžili. Kristus boahtá fas.

Dát cealkka sáhttá lasihuvvot:

Buo | Sutnje lehkos gudni ráhkisuodja ovddas mii lea gievrrat go jápmin.

L | Bassi Ipmil, atte midjiide buolli váimmuid, vai mii ovddošemiin ja iluin vurket du sániid ja čájehit váibmoláđisvuodja gillájeddjiide. Oro min luhtte, maiddái dalle go mii eahpidit ja moraštit. Leage min mielde, dassázii go áibbašeami ja bákčasa sadjái lea boahtán agálaš ávvudeapmi ja máidnunlávlla.

Buo | Áhččámet

## eahkedismállásiid rohkos e

### Álggahanmáidnun

L | messe dahje cealká girkojagi prefašuvnna.

DAHJE

L | Mii giitit du, buorre Ipmil, don guhte doalat giedainat almmi ja eatnama. Oktan enjeliiguin ja du searvegottiin almmis ja eatnama alde mii máidnut du bassi nama:

Buo láylot | Bassi SANCTUS dahje eará máidnunlávlaga.

**L** | Bassi Ipmil, don leat sivdnidan min iežat gova mielde ja addán midjiide eallima attáldahkan. Mii giitit du Jesus Kristusa, máilmimi beasti, ovddas. Son jámii ja bajásčuožžilii, vai mii očošeimmet suttuid ándagassii addojumi ja agálaš eallima go mii oskut sutnje. Mii giitit du gástta ovddas, mas mii oddasis riegádit, ja eahkedismállásiid ovddas, mas don čohkhet min iežat joavkun. Mii rohkadallat: Vuolggat Vuoiŋŋat min ja du attáldagaid badjelii. Daga min oktan guhtet guimmiideametguin ja Jesus Kristusiin.

## Ásahansánit VERBA

Hearrámet Jesus Kristus, dan ija go son behttojuvvui, de son válldii láibbi, giittii, doadjalii dan, attii máhttájeddjiidasas ja celkkii: Váldet dán ja borret! Dát lea mu rumaš, mii addojuvvo din ovddas. Dahket dán muitin dihtii mu. Nu son válldii geara ge eahkedismállásiid maŋŋil, giittii, attii sidjiide ja celkkii: Juhket buohkat dás. Dát gearra lea oðða lihttu mu varas mii golggahuvvo din ovddas suttuid ándagassii addojupmin. Dahket dán nu dávjá go dii juhkabehtet dan, muitin dihtii mu.

**Maŋŋil ásahussániid sáhttá liturga ja searvegoddi dadjet:**

**L** | Čieŋal lea oskku čiegusvuhta.

**Buo** | Kristus jámii. Kristus bajásčuožžilii. Kristus boahtá fas.

Dán cealkaga sáhttá lasihit:

**Buo** | Sutnje lehkos gudni ráhkisuoduða ovddas mii lea gievrrat go jápmin.

**L** | Ipmil, váldde min buohkaid sallasat, dego ráhkislaš eadni čohkke mánáidis iežas lusa. Divtte min ráhkistit guhtet guimmiideamet, nugo don ráhkistat min. Divtte smávváid bajiduvvot ja sin gallehuvvot buriid attáldagaiguin geat nelgot.

**Liturga ja/dahje okta dahje eanet mánát dadjet:**

Ovttas buot du mánáiguin rohkadallat mii dan rohkosa maid du Bárdni lea oahpahan midjiide.

**Buo** | Áhčámet

## eahkedismállásiid ortnet earenoamáš diliide

Dán ortnega sáhttá atnit váldoiþmilbálvalusas mii lea earenoamážit heivehuvvon mánáide ja nuoraide, ja fáddáipmilbálvalusas. Go váldoiþmilbálvalus dollojuvvo allameassun, de dát ii adno.

# Sálbma / mállása ráhkkanahhtin

Geahča laðas 18 ja 19 Váldoipmilbálvalusa ortnet-gihppagis.

## Dearvvahus

L | Máidnot Ipmila

Searvegoddí čuožžila.

Buo | Giittus ja gudni gullá Ipmilii agálaččat.

### DAHJE

L | Máidnot Ipmila.

Searvegoddí čuožžila.

ML | Ipmila mii giitit ja gudnejahttit.

Buo | Ipmila mii giitit ja gudnejahttit.

## Bassi SANCTUS

dahje eará máidnunlávlla.

## Eahkedismálisrohkos oktan ásahussániiguin VERBA

Okta čuovvovaš rohkosiin:

L | Buorre Ipmil, mii giitit du du hearvásvoða ovddas mii lea miehtá almmi ja eatnama. Gástta čáziin don čovdet min seavdnjadasa fámus ja ovttastahttet min Jesus Kristusiin, du Bártniin. Dál mii rohkadallat: Vuolggat Vuoiŋŋat min ja du attáldagaid badjelii, vai mii oččošeimmet fámu eallit ja roahkkatvuða oskut.

### DAHJE

L | Oskkáldas Ipmil, mii rámidit du nu guhká go mii eallit ja máidnut du nama lávlumiin agálaš áigái. Mii giitit du go vuolggahit Bártnát Jesus Kristusa máilmomi beastin. Su jápmima bokte mii oažžut puttuid ándagassii addojumi, ja su bajásčuožžileamis mii beassat eallit odda eallima. Dál mii rohkadallat: Vuolggat Vuoiŋŋat min ja du attáldagaid badjelii, vai dat šattašedje doaivvu mearkan min eallimis.

### DAHJE

L | Ipmil, mii máidnut du lávlumiin, almmi ja eatnama sivdnideaddji. Don birastahtát min ráhkisvuðain ja fuolain.

Giitu bestojumis maid don leat addán midjiide Jesus Kristusa bokte. Mii rohkadallat dus: Vuolggat Vuoiŋŋat min ja du attáldagaid badjelii.

Dasto čuovvu:

**L** | Hearrámet Jesus Kristus, dan ija go son behttojuvvui, de son válldii láibbi, giittii, doadjalii dan, attii máhttájeddjiidas ja celkii: Váldet dán ja borret! Dát lea mu rumaš, mii addojuvvo din ovddas. Dahket dán muitin dihtii mu. Nu son válldii geara ge eahkedismállásiid manjil, giittii, attii sidjiide ja celkii: Juhket buohkat dás. Dát gearra lea oðða lihttu mu varas mii golggahuvvo din ovddas suttuid ándagassii addojupmin. Dahket dán nu dávjá go dii juhkabehtet dan, muitin dihtii mu.

Manjil ásahussániid sáhttá liturga ja searvegoddi dadjet:

**L** | Čieŋal lea oskku čiegusvuohtha.

**Buo** | Kristus jámii. Kristus bajásčuožžilii.

Kristus boahtá fas.

Čuovvovaš cealkka sáhttá lasihuvvot:

**Buo** | Sutnje lehkos gudni ráhkisuodja ovddas mii lea gievrrat go jápmin.

**Buo** | Áhččámet

Dán laððasa sáhttá guođđit dán oanehis eahkedismálisortnegis:

## Ráfidearvvahus

**L** | Ipmila ráfi lehkos dinguin.

**S** | Ipmila ráfi lehkos duinna.

Jos galgá dievasleabbu ráfidearvvahus, geahča Láidehusa ipmilbálvalusa váldoosiide, s 8.XX

## Juogadeapmi

Juogadansániit čudjet ná:

Dát lea Jesusa rumaš.

Dát lea Jesusa varra.

**DAHJE**

Kristusa rumaš, du várás addojuvvon.

Kristusa varra, du várás golggahuvvon.

Manjil juogadeami dadjá liturga:

**L** | Russiinávlejuvvon ja bajásčuožžilan Jesus Kristus lea dál addán midjiide iežas bassi rupmaša ja vara maid son attii min suttuid soabahussan.

**S dahje L** | Son nannešii ja bisuhivčii min buhtes oskku siste agálaš eallimii.

**L** | sáhttá lasihit Ráfi lehkos dinguin.

## Mállása loahpaheapmi

Dás sáhttá čuovvut okta dan giittosrohkošiin mat leat s. 2.XX-2.X2, muhtin mii lea heivehuvvon báikkálacčat, dahje eará heivvoláš giittosrohkoš.

# buressivdnádussánit ja vuolggahussánit

## buressivdnádussánit

Dábálaččat adno aronlaš buressivdnádus searvegotti válndoipmilbálvalusain, ja álo go dat dollojuvvojít allameassun.

Ipmilbálvalusain main fáttá ja čiekjudahahtima dáfus lea sávahahti, sáhttá atnit ovta čuovvovaš buressivdnádussániin dahje eará heivvolaš buressivdnádussáni.

1

Apostallaš buressivdnádus sáhttá adnot ipmilbálvalusas mas dat ii leat adnon álggahussátnin.

L | Hearrámet Jesus Kristusa árbmu, Ipmila ráhkisuohota ja Bassi Vuoinjña servvolašvuohota lehkos dinguin!

S | Amen.

2

Sáhttá lávlut dahje lohkat,

Buo | Buressivdnit min, Ipmil Áhčči. Buressivdnit min, Ipmila Bárdni.

Buressivdnit min, Ipmila bassi Vuoigna.

Amen.

3

L | Buressivdnádus Ipmilis, min sivdnideaddjis,  
Jesus Kristusis, min beastis,  
ja Bassi Vuoinjñas, min eallindahkkis, lehkos dinguin buohkaiguin.

S | Amen.

## vuolggahussánit

Molssaeaktun vuolggahussániide mat lea Válndoipmilbálvalusa ortnegis (gč s. 2.XX) sáhttá eará vuolggahussániid atnit. Sáhttá maid ieš hábmet vuolggahussániid.

Oanehis vuolggahussánit sáhttet álggahuvvot biibbalsániin, beaivvi teavstta dahje fáttá mielde.  
Muhtin ovdamearkkat:

Ipmil ii addán midjiide balešvuoda vuoinjña; muhto fámu, ráhkisuoda ja jierbmáivuoda vuoinjña. **2 Tim 1,7**

Mannet ráfis.

Ipmila ráfi, mii manná buot jierpmi badjel,  
várjala din váimmuid ja jurdagiid Kristus Jesusis. **Fil 4,7**  
Mannet ráfis.

Kristus cealká: “Ehpet dii leat válljen mu, muhto mun lean válljen din ja lean vuolggahan din šaddadit šattuid, bistevaš šattuid.” **Joh 15,16**  
Mannet ráfis.